


大戴禮記

一









大戴禮記

(一)

戴 德 撰
盧 辯 注

大戴禮記目錄

卷一

王言

哀公問五儀

哀公問于孔子

禮三本

卷二

禮察

夏小正

卷三

保傅

卷四

曾子立事

曾子本孝

曾子立孝

曾子大孝

曾子事父母

卷五

大戴禮記目錄

曾子制言上
曾子制言中

曾子制言下
曾子疾病

曾子天圓

卷六

武王踐阼
衛將軍文子

卷七

五帝德
帝繫

勸學

卷八

子張問入官
盛德

卷九

千乘
四代

虞戴德
誥志

卷十

文王官人

諸侯遷廟

諸侯鬯廟

卷十一

小辨

用兵

少閒

卷十二

朝事

投壺

卷十三

公冠

本命

易本命

臣等謹案大戴禮記十三卷。漢戴德撰。隋書經籍志云。大戴禮記十三卷。漢信都王太傅戴德撰。梁有諡法三卷。後漢安南太守劉熙注。亡。崇文總目云。大戴禮記十卷三十五篇。又一本三十三篇。中興書目云。今所存止四十篇。晁公武讀書志云。篇目自三十九篇始。無四十三、四十四、四十五、六十一、四篇。有兩七十四。而韓元吉、熊朋來、黃佐、吳澄、竝云兩七十三。陳振孫云兩七十二。蓋後人于盛

德第六十六。別出明堂一篇爲六十七。其餘篇第。或至文王官人第七十一。改爲七十二。或至諸侯遷廟第七十二。改爲七十三。或至諸侯釁廟第七十三。改爲七十四。故諸家所見不同。因有新析一篇。則與舊有之一篇。篇數重出也。漢許慎五經異義論明堂。稱戴記禮說盛德記。卽明堂篇語。魏書李謚傳。隋書牛宏傳。俱稱盛德篇。或稱泰山盛德記。知析盛德篇爲明堂篇者。出于隋唐之後。又鄭康成六藝論曰。戴德傳記八十五篇。司馬貞曰。大戴禮合八十五篇。其四十七篇亡。存三十八篇。蓋夏小正一篇多別行。隋唐間錄大戴禮者。或闕其篇。是以司馬貞云然。原書不別出夏小正篇。實闕四十六篇。存者宜爲三十九篇。中興書目乃言存四十篇。則竄入明堂篇題。自宋人始矣。隋志又曰。戴聖刪大戴之書爲四十六篇。馬融足月令。明堂位。樂記。合爲四十九篇。今考孔穎達義疏。于樂記云。按別錄禮記四十九篇。樂記第十九。然則樂記篇第。劉向列之別錄。卽與今不殊。後漢書橋元傳云。七世祖仁著禮記章句四十九篇。號曰橋君學。仁卽班固所說小戴授梁人橋仁季卿者也。劉向當成帝時。校理秘書。橋仁親受業小戴之門。亦成帝時爲大鴻臚。劉橋所見篇數已爲四十有九。而融遠在後漢之季。小戴書不待融足三篇甚明。康成嘗受學于融者。其六藝論亦但曰戴聖傳禮四十九篇。作隋書者。徒附會大戴闕篇。以爲卽小戴所錄。而尙多三篇。不符。遂漫歸之融耳。然因是而知隋唐間大戴闕篇。與今本無異。故今本卷數。適同隋志卷數也。書中夏小正篇最古。其諸侯遷廟。

諸侯鬯廟。投壺公冠。皆禮古經遺文。又藝文志曾子十八篇久逸。是書猶存其十篇。自立事至天圓篇。題上悉冠以曾子者。是也。書有注者八卷。五卷無注。疑闕逸非完。朱子引明堂篇鄭氏注云。法龜文。殆以注歸之康成。攷注內徵引。有康成、譙周、孫炎、宋均、王肅、范甯、郭象諸人。下逮魏晉之儒。王應麟困學紀聞指爲盧辯注。據周書辯字景宣。官尙書右僕射。以大戴禮未有解詁。乃注之。其兄景裕謂曰。昔侍中注小戴。今爾注大戴。庶纘前修矣。王氏之言。信而有徵。是書正文併注。訛舛幾不能成誦。而永樂大典內散見僅十六篇。今以與各本及古籍中摭引大戴禮記之文。參互校訂。附案語于下方。史繩祖有言。大戴記列之十四經。其說今不可考。然先王舊制。時有徵焉。固亦禮經之羽翼也。乾隆四十二年六月恭校上。

總纂官侍讀學士臣陸錫熊

侍講學士臣紀昀

纂修官庶吉士臣戴震

大戴禮記卷一

漢戴德撰
周盧辯注

王言第三十九

哀公問五儀第四十

哀公問于孔子第四十一

禮三本第四十二

王言〔案〕王各本訛作主今據篇內訂正

孔子閒居。曾子侍。孔子曰。參。今之君子。惟士與大夫之言之閒也。〔案〕閒古閑切。劉本朱本沈本皆作聞。據

出士大夫之閒。今從其至于君子之言者甚希矣。於乎。吾王言其不出而死乎。哀哉。〔案〕王字篇內

袁本程本高安本方本曰霸王者一。程本朱本沈本竝訛作主。劉本袁本高安本昔者明王必盡知天

言者二曰明王者十六曰霸王者一。程本朱本沈本竝訛作主。劉本袁本高安本昔者明王必盡知天

良士之名此處未說今據以訂正。放鄭康成注坊記云。大夫有臣者稱之曰主。不言君。避諸侯也。章昭

注國語于魯語云。大夫稱主。妻亦如之。于晉語云。大夫妻稱主。從大夫稱也。爾雅釋詁。林丞。天帝。皇。王。后。辟

言篇作王曾子起曰敢問何謂王言孔子不應曾子懼肅然握衣下席曰弟子知其不孫也案孫遜古通用得夫子

之閒也難案閒古寬切朱本沈本訛作問下是以敢問也孔子不應曾子懼退負序而立孔子曰參女

可語明王之道與曾子曰不敢以為足也得夫子之閒也難是以敢問孔子曰居吾語女案居字從方本訂定他本脫

此字楊氏先聖大訓載此篇亦作居吾語女道者所以明德也德者所以尊道也是故非德不尊非道不明雖有國馬案馬他本訛

治之案道他本訛不可以取千里案此下舊注里一本作理雖有博地衆民案地沈本訛不以其道

征七教不修雖守不固三至不行雖征不服是故昔者明王內修七教外行三至七教修焉可以守三至行焉可以

師是故內修七教而上不勞外行三至而財不費此之謂明王之道也會子曰敢問不費不勞可以為明

乎孔子愀然揚麋曰案麋眉古通用舊注麋一作眉亦校書者語非盧氏注文參女以明王為勞乎昔者舜左禹而右臯陶不下席

而天下治夫政之不中君之過也政之既中案既沈本訛令之不行職事者之罪也明王奚為其勞也

昔者明王關譏而不征市鄙而不稅稅十取一使民之力歲不過三日入山澤以時有禁而無征案此

一作入山澤以時而不禁夫圭田無征亦校書者語非盧氏注文此六者取財之路也明王捨其四者而節其二者明王焉取其費也會

子曰敢問何謂七教孔子曰上敬老則下益孝上順齒則下益悌上樂施則下益諒上親賢則下擇友上

好德則下不隱案此下舊注一作上好德則下上惡貪則下恥爭上強果則下廉恥民皆有別則政亦

不勞矣。〔案〕則政二字他本作則貞則正四字就上文廉恥有別爲七教此謂七教七教者治民之本也。

教定則本正矣。〔案〕朱本作則正矣方一本作本正矣他本皆作是正上者民之表也表正則何物不正是

故君先立于仁則大夫忠而士信民敦工璞商懋女憧婦空空七者教之志也七者布諸天下而不窳內

諸尋常之室而不塞。〔案〕內納是故聖人等之以禮立之以義行之以順而民棄惡也如灌曾子曰弟子

則不足道則至矣孔子曰參姑止又有焉昔者明王之治民有法必別地以州之分屬而治之然後賢民

無所隱暴民無所伏使有司日省而時攷之。〔案〕而他本說作如由歲誘賢焉則賢者親不肖者懼。〔案〕

脫者字今使之哀鰥寡養孤獨恤貧窮誘孝悌選賢舉能此七者修則四海之內無刑民矣上之親下也

如腹心則下之親上也如保子之見慈母也。〔案〕保緣上下之相親如此然後令則從施則行因民既邇

者說遠者來懷然後布指知寸布手知尺舒肘知尋十尋而索百步而堵。〔案〕古者以長百步闕一步爲

丈闕六尺三百步而里千步而井。〔案〕井九百晦其方三百步積九萬步此三井而甸烈三甸烈而距五

十里而封百里而有都邑乃爲畜積衣裘焉使處者恤行者有與亡。〔案〕與他本說是以蠻夷諸夏雖衣

冠不同言語不合莫不來至朝覲于王故曰無市而民不乏無刑而民不違畢弋田獵之得不以盈宮室

也徵斂于百姓非以充府庫也優恒以補不足。〔案〕優各本皆說作慢考楚辭九章曰傷禮節以損有餘

故曰多信而寡貌其禮可守其信可復其跡可履其于信也如四時春秋冬夏其博有萬民也如飢而食

如渴而飲。下土之人信之。如暑熱凍寒。

〔案〕如他本說作夫。今從方本。

遠若邇。非道邇也。及其明德也。是以兵革不動而

威。用利不施而親。此之謂明王之守也。折衝乎千里之外。此之謂也。曾子曰。敢問何謂三至。孔子曰。至禮

不讓而天下治。至賞不費而天下之士說。至樂無聲而天下之民和。明王篤行三至。故天下之君可得而

知也。天下之士可得而臣也。天下之民可得而用也。曾子曰。敢問何謂也。孔子曰。昔者明王必盡知天下

良士之名。

〔案〕必他本說作以。今從方本。

既知其名。又知其數。既知其數。又知其所在。明王因天下之爵以尊天下之士。

此之謂至禮不讓而天下治。因天下之祿以富天下之士。此之謂至賞不費而天下之士說。天下之士說

則天下之明譽興。

〔案〕明譽猶顯譽也。沈本作名譽。今從各本。

此之謂至樂無聲而天下之民和。故曰所謂天下之至仁者。能

合天下之至親者也。所謂天下之至知者。能用天下之至和者也。所謂天下之至明者。能選天下之至良

者也。此三者咸通。然後可以征。是故仁者莫大于愛人。知者莫大于知賢。政者莫大于官賢。有土之君。修

此三者。則四海之內拱而俟。然後可以征。明王之所征。必道之所廢者也。彼廢道而不行。然後誅其君。致

其征。弔其民而不奪其財也。故曰明王之征也。猶時雨也。至則民說矣。是故行施彌博。得親彌衆。此之謂

枉席之上乎還師。

哀公問五儀。

〔案〕儀各本說作義。今據荀子哀公篇人有五儀訂正。

魯哀公問于孔子曰。吾欲論吾國之士。與之爲政。何如者取之。孔子對曰。生乎今之世。志古之道。居今之

俗服古之服。舍此而爲非者。不亦鮮乎。哀公曰。然則今夫章甫。句屨。紳帶而搢笏者。〔案〕句。荀子作鞠。此皆賢乎。

孔子曰。否。不必然。今夫端衣玄裳。冕而乘路者。志不在于食菹。斬衰菅屨。杖而歎粥者。〔案〕菅。他本詁作藎。考荀子作菅。今

從方志不在于飲食。故生乎今之世。志古之道。居今之俗。服古之服。舍此而爲非者。雖有不亦鮮乎。哀公

曰。善。〔案〕此下荀子有孔子曰。人有五儀。有庸人。有士。有君。子。有賢人。有大聖。哀公曰。敢問。凡二十六字。此文脫。何如則可謂庸人矣。孔子對曰。所謂庸人者。

口不能道善言。而志不邑邑。〔案〕邑。怙。古通用。不能選賢人善士。而託其身焉。以爲已憂。動行不知所務。止立不

知所定。日選于物。不知所貴。從物而流。不知所歸。五鑿爲政。心從而壞。若此則可謂庸人矣。哀公曰。善。何

如則可謂士矣。孔子對曰。所謂士者。雖不能盡道術。必有所由焉。雖不能盡善盡美。必有所處焉。是故知

不務多而務審其所知。行不務多而務審其所由。言不務多而務審其所謂。知既知之。行既由之。言既順

之。若夫性命肌膚之不可易也。富貴不足以益。貧賤不足以損。若此則可謂士矣。哀公曰。善。何如則可謂

君子矣。孔子對曰。所謂君子者。躬行忠信。其心不置。〔案〕置。他本詁作買。考後卷文。王官人篇。有施而不置。注云。不形于心色也。可證其心不置之義。今從劉

本。仁義在己而不害。不知聞志。廣博而色不伐。思慮明達而辭不爭。君子猶然。如將可及也。而不可及也。

如此可謂君子矣。哀公曰。善。敢問何如可謂賢人矣。〔案〕他本脫可字。今從朱本。沈本。孔子對曰。所謂賢人者。好惡與民

同情。取舍與民同統。行中矩繩而不傷于本。言足法于天下而不害于其身。窮爲匹夫而願富。〔案〕窮。他本詁作躬。

今從方本。貴爲諸侯而無財。如此則可謂賢人矣。哀公曰。善。敢問何如可謂聖人矣。孔子對曰。所謂聖人者。知

通乎大道。應變而不窮。能測萬物之情性者也。大道者。所以變化而凝成萬物者也。情性也者。所以理然不然。取舍者也。故其事大。配乎天地。參乎日月。雜于雲蜺。總要萬物。穆穆純純。其莫之能循。若天之司莫之能職。百姓淡然。莫知其善。(案)莫他本皆作不。今從永樂大典本。若此則可謂聖人矣。哀公曰。善。孔子出。哀公送之。

哀公問于孔子

哀公問于孔子曰。大禮何如。君子之言禮。何其尊也。孔子曰。丘也小人。何足以知禮。君曰。否。吾子言之也。孔子曰。丘聞之也。民之所由生。禮為大。非禮無以節事。天地之神明也。非禮無以辨君臣上下長幼之位也。非禮無以別男女父子兄弟之親。昏姻疏數之交也。君子以此之為尊敬。(案)此下小戴有然字。夫然後以其所能教百姓。(案)小戴無夫字。不廢其會節。有成事。然後治其雕鏤文章黼黻。以嗣其順之。然後言其喪葬。(案)小戴作喪。算備其鼎俎。設其豕腊。修其宗廟。歲時以敬祭祀。以序宗族。則安其居處。(案)小戴作即安其居節。醜其衣服。卑其宮室。車不雕幾。器不刻鏤。食不二味。以與民同利。昔之君子之行禮者如此。公曰。今之君子。胡莫之行也。孔子曰。今之君子。好色無厭。(案)色小戴作實。淫德不倦。荒怠敖慢。固民是盡。忤其衆。以伐有道。(案)忤小戴作午。求得當欲。不以其所古之用民者。由前。(案)古小戴作昔。今之用民者。由後。今之君子。莫為禮也。孔子侍坐于哀公。哀公曰。敢問人道。誰為大。孔子愀然作色而對曰。君及此言也。(案)君下小戴有之字。百姓之德也。固臣敢無辭而對。人道政為大。公曰。敢問何謂為政。孔子對曰。政者正也。君為正。則百姓從政矣。君之所為。百姓之所從也。君

所不爲。百姓何從。公曰。敢問爲政如之何。孔子對曰。夫婦別。父子親。君臣義。(案)義他本作嚴。今從永樂大典本。三者正則庶民從之矣。(案)民小戴作物。公曰。寡人雖無似也。願聞所以行三言之道。可得而聞乎。(案)小戴無而字。孔子對曰。古

之爲政。愛人爲大。所以治愛人。禮爲大。所以治禮。敬爲大。敬之至也。(案)小戴作至矣。大昏爲大。大昏至矣。大昏

既至。冕而親迎。親之也。親之也者。親之也。是故君子與敬爲親。舍敬是遺親也。弗愛不親。弗敬不正。愛與

敬。其政之本與。公曰。寡人願有言然。冕而親迎。不已重乎。孔子愀然作色而對曰。合二姓之好。以繼先聖

之後。以爲天地社稷宗廟之主。(案)社稷小戴在宗廟之下。君何謂已重乎。公曰。寡人固不固焉。得聞此言也。(案)不固永樂

大典本。寡人欲問。不得其辭。請少進。孔子曰。天地不合。萬物不生。大昏。萬世之嗣也。君何謂已重焉。(案)何下

各本多衍以字。方本無前。君何謂已重乎。亦無以字。孔子遂有言曰。(案)小戴無有字。內以治宗廟之禮。足以配天地之神明。出以治直言

之禮。足以立上下之敬。物恥足以振之。國恥足以興之。爲政先禮。禮者。政之本與。(案)者小戴作其。孔子遂言曰。

昔三代明王之政。必敬其妻子也。有道妻也者。親之主也。敢不敬與。子也者。親之後也。敢不敬與。君子無

不敬也。敬身爲大。身也者。親之枝也。敢不敬與。不能敬其身。是傷其親。傷其親。是傷其本。傷其本。枝從而

亡。三者百姓之象也。身以及身。子以及子。配以及配。(案)配小戴並作妃。君子行此三者。(案)小戴無子字。則愼乎天下矣。

先王之道也。(案)先他本及小戴並作大。今從永樂大典本。如此國家順矣。(案)國上小戴有則字。公曰。敢問何謂敬身。孔子對曰。君子過

言則民作辭。過動則民作則。君子言不過辭。動不過則。百姓不命而敬恭。如是則能敬如身。能敬其身。則

能成其親矣。公曰：敢問何謂成親？孔子對曰：君子也者，人之成名也。百姓歸之名，謂之君子之子，是使其親為君子也。是為成其親名也。〔案〕親下小戴有之字。孔子遂言曰：古之為政，〔案〕之，他本訛作人，今從方本。愛人為大，不能愛

人，不能有其身。〔案〕他本脫能字，今從方本。不能有其身，不能安土，不能樂天，不能樂天，不能成身。公曰：敢

問何謂成身？孔子對曰：不過乎物。公曰：敢問君子何貴乎天道也？〔案〕他本脫子字，今從高安本。孔子對曰：貴其不已，如

日月西東相從而不已也。〔案〕西東，小戴作東西。是天道也，不閉其久也。〔案〕小戴無也字。是天道也，無為物成。〔案〕為下

字，是天道也，已成而明，是天道也。公曰：寡人慙愚冥煩。〔案〕慙，永樂大典本劉本訛作蠢。子識之心也。〔案〕識，小戴作志，鄭注讀為識。孔

子蹴然避席而對曰：仁人不過乎物，孝子不過乎物，是故仁人之事親也如事天，事天如事親。〔案〕他本脫故字，今

從方本。是故孝子成身。公曰：寡人既聞是言也，無如後罪何？孔子對曰：君之及此言也，是臣之福也。

禮三本

禮有三本。天地者，生之本也。〔案〕生字，程本方本並作性，今從荀子史記及沈本。先祖者，類之本也。君師者，治之本也。無天地焉生，

無先祖焉出，無君師焉治，三者偏亡，無安之人。故禮上事天，下事地，宗事先祖，而寵君師。是禮之三本也。

王者天太祖，諸侯不敢壞。〔案〕壞，他本作懷，今從永業大典本劉本朱本沈本蓋諸侯以始封之君為太祖，不敢壞，謂不禘也。大夫士有常宗，所以別貴始

德之本也。郊止天子，社至諸侯。〔案〕至字，他本作止。道及士大夫。〔案〕此下舊注一本有荀子云六所以

別尊者事尊，卑者事卑，宜鉅者鉅，宜小者小也。〔案〕別字，下各本有尊卑二字，今從方本及荀子。故有天下者事七世，有國者事

五世有五乘之地者事三世有三乘之地者事二世待年而食者〔案〕待年謂農夫力田者也不得立宗廟所以別積厚者流澤廣積薄者流澤卑也〔案〕各本多重積厚二字今從程本高安本廣字他本多作光今從永業大典本也字各本多作亦如之今從朱本沈本大饗尚玄尊俎生魚先大羹貴飲食之本也大饗尚玄尊而用酒〔案〕此下荀子有醴字食先黍稷而飯稻粱祭噲大羹而飽乎庶羞貴本而親用也〔案〕他本脫也字今從方本及荀子貴本之謂文親用之謂理兩者合而成文以歸大一夫是謂大隆故尊之尚玄酒也俎之生魚也豆之先大羹也一也〔案〕各本多脫此二字今從方本及荀子史記利爵之不卒也〔案〕爵各本多脫作省今從方本及荀子史記成事之俎不嘗也三侑之不食也一也大昏之未發齊也廟之未納尸也始卒之未小斂也一也〔案〕各本多脫此二字今從方本及荀子大路車之素襪也郊之麻冕也喪服之先散帶也〔案〕各本多脫也字今從方本子一也三年之哭不文也清廟之歌一倡而三歎也縣一磬而尚拊搏〔案〕左傳室如縣磬服虔讀磬爲磬朱弦而通越也〔案〕各本脫也字今從方本一也凡禮始于脫成于文終於隆故至備情文俱盡其次情文迭興〔案〕迭他本作佚今從劉本高安本其下復情以歸大一天地以合四時以洽日月以明星辰以行江河以流萬物以倡好惡以節喜怒以當以爲下則順以爲上則明萬變不亂貸之則喪

大戴禮記卷二

禮察第四十六

夏小正第四十七

禮察

孔子曰。君子之道。譬猶防與。夫禮之塞。亂之所從生也。猶防之塞。水之所從來也。故以舊防爲無用而壞之者。必有水敗。以舊禮爲無所用而去之者。〔案〕他本脫所字。今從程本。朱本高安本。必有亂患。故婚姻之禮廢。則夫婦之道苦。而淫辟之罪多矣。鄉飲酒之禮廢。則長幼之序失。而爭鬪之獄繁矣。聘射之禮廢。則諸侯之行惡。而盜之敗起矣。喪祭之禮廢。則臣子之恩薄。而倍死忘生之徒衆矣。〔案〕徒。他本說作禮。今從方本。

凡人之知。能見已然。不能見將然。禮者禁于將然之前。〔案〕各本多脫于字。今從沈本。而法者禁于已然後。是故法之用易見。而禮之所爲至難知也。〔案〕至。各本說作生。今從方本。若夫慶賞以勸善。刑罰以懲惡。先王執此之正。堅如金石。行此之信。順如四時。處此之功。無私如天地。爾豈顧不用哉。然而曰禮云禮云。〔案〕而。各本多作如。今從方本。貴絕惡于未萌。而起教于微眇。〔案〕教。各本多作敬。今從方本。及漢書。使民日徙善遠罪而不自知也。孔子曰。聽訟吾猶人也。必也使無訟乎。此之謂也。爲人主計者。莫如先審取舍。〔案〕先。各本多說作安。今從方本。及漢書。取舍之極定于內。安危之萌應于外。

也。安者非一日而安也。危者非一日而危也。皆以積然不可不察也。善不積不足以成名。惡不積不足以滅身。而人之所行。各在其取舍。以禮義治之者。積禮義。以刑罰治之者。積刑罰。刑罰積而民怨倍。禮義積而民和親。故世主欲民之善同。而所以使民之善者異。或導之以德教。或毆之以法令。導之以德教者。德教行而民康樂。毆之以法令者。法令極而民哀戚。哀樂之感。禍福之應也。我以為秦王之欲尊宗廟而安子孫。與湯武同。然而湯武能廣大其德。〔案〕然而各本訛作然。則如三字。今從方本。久長其後。行五百歲而不失。秦王亦欲至是而不能持。天下十餘年。即大敗之。此無他故也。湯武之定取舍。審而秦王之定取舍。不審也。易曰。君子慎始。差若毫釐。繆以千里。取舍之謂也。然則為人主師傅者。不可不日夜明此。〔案〕不可不。各本訛作不。可以。今從方本。問為天下如何。曰。天下器也。今人之置器。置諸安處則安。置諸危處則危。而天下之情。與器無以異。在天子所置爾。湯武置天下于仁義禮樂。而德澤洽。禽獸草木。廣育被鬻。貂四夷。累子孫十餘世。歷年久五六百歲。此天下之所共聞也。秦王置天下于法令刑罰。德澤無一有。而怨毒盈世。民憎惡如仇讎。禍幾及身。子孫誅絕。此天下之所共見也。夫用仁義禮樂為天下者。行五六百歲。猶存。用法令為天下者。十餘年即亡。是非明數大驗乎。人言曰。聽言之道。必以其事觀之。則言者莫敢妄言。今或言禮義之不如法令。〔案〕今字。下各本多。衍子字。今從方本及漢書。教化之不如刑罰。人主胡不承殷周秦事以觀之乎。

正月

啓蟄言始發蟄也。

鴈北鄉先言鴈而後言鄉者何也。見鴈而後數其鄉也。鄉者內也。鄉其居也。鴈以北方為居。何以謂之。

〔案〕此下各本或衍一居字。或衍為居二字。今從方本。生且長焉爾。九月遯鴻鴈。先言遯而後言鴻鴈何也。見遯而後數之。則鴻鴈

也。何不謂南鄉也。曰非其居也。故不謂南鄉。記鴻鴈之遯也。而不記其鄉何也。〔案〕而各本多作如今從傳本。曰鴻不必

當小正之遯者也。

雉震响响也者。鳴也。震也者。鼓其翼也。〔案〕各本說作震也者。鳴也。响也者。鼓其翼也。徐堅初學記兩引此文。今據以訂正。正月必雷。雷不必聞。惟

雉為必聞之。何以謂之。〔案〕四字句絕篇內。凡三見皆申上之辭。雷則雉震响。相識以雷。

魚陟負冰。陟升也。負冰云者。言解蟄也。

農緯厥耒。束也。束其耒云爾。〔案〕此下各本衍者字。今從方本。用是見君之亦有耒也。

初歲祭耒。始用暢也。〔案〕此下舊注暢一作暢。乃校書者所加。非盧氏注文。暢。古通用。其曰初歲云者。暢也者。終歲之用祭也。言是月

之始用之也。初者始也。〔案〕此條惟初歲祭耒四字是古經。經不曰祭耒而必曰初歲祭耒。以祭必用暢而用之自是始。故加初歲二字。以表此祭為終歲之用。暢之始。始用暢也。正解經

文。言初歲二字所兼舍之意。下復申之曰其曰初歲云者。以暢是終歲之祭。所皆用初歲對終歲而言。各本或說作其用初云爾。儀禮經傳通解作其曰初歲云爾也者。又移此句于暢也者。終歲之用祭也。下文理

愈生紛糾矣。方本作其曰初歲云者。與下文一氣通貫。

或曰祭韭也。〔案〕此五字當移下條園之燕者也。下舛誤在此。

園有見韭。〔案〕各本脫見字。今從傳本。園也者。〔案〕各本脫者字。今從傳本。園之燕者也。

時有俊風。俊者大也。大風南風也。何大于南風也。曰合冰必于南風。解冰必于南風。生必于南風。收必于

南風。故大之也。

寒日滌凍塗。滌也者變也。變而煖也。凍塗者凍下而澤上多也。〔案〕釋澤古通用。

田鼠出。田鼠者。噉鼠也。記時也。

農率均田。率者循也。均田者始除田也。言農夫急除田也。

獺獻魚。〔案〕各本多脫此三字。今從方本。獺祭魚。其必與之獻何也。〔案〕與之下舊注與疑作謂。曰非其類也。祭也者得

多也。善其祭而後食之。十月豺祭獸謂之祭。獺祭魚謂之獻何也。豺祭其類。獺祭非其類。故謂之獻大之

也。

鷹則為鳩。鷹也者其殺之時也。鳩也者非其殺之時也。善變而之仁也。故其言之也曰則。〔案〕其字傳本

其辭也。鳩為鷹變而之不仁也。故不盡其辭也。

農及雪澤。〔案〕釋澤古通用。言雪澤之無高下也。

初服于公田。古有公田焉者。古者先服公田。〔案〕者字各本多作言。今從方本。而後服其田也。

采芸爲廟采也。

鞠則見〔案〕鞠當作喝爾雅喝謂之柳詩召南鄭康成箋喝在東方正月時也。鞠者何也。星名也。鞠則見者。歲再見云爾。〔案〕云字各本訛在下條蓋記時也

下今訂正

初昏參中蓋記時也。

斗柄縣在下言斗柄者所以著參之中也。

柳稊〔案〕稊各本訛作梯今從關本下同稊也者發孚也。

梅杏杙桃則華杙桃山桃也。

緹縞縞也者〔案〕各本脫一編字今從方本莎隨也。緹也者其實也。〔案〕儀禮經傳通解訛作緹也者莎隨也縞也者其實也先言緹而後言縞者何

也。緹先見者也何以謂之〔案〕四字句絕與前屬北鄉及雉震响二條同小正以著名也。〔案〕儀禮經傳通解移上十字于篇題下非也此言小正立言之體以緹著而

先見故不曰縞緹而名其物候曰緹縞耳

雞桴粥粥也者相粥之時也。〔案〕一本作相粥粥呼也或曰桴姬伏也粥養也。

二月

往饁黍禱禱單也。

初俊羔助厥母粥俊也者大也粥也者養也言大羔能食草木而不食其母也羊蓋非其子而後養之。

〔案〕蓋各本訛。善養而記之也。或曰夏有暑祭。〔案〕夏各本訛作憂。今從傳。祭也者用羔。是時也。不足喜。樂。喜羔之爲生也。而記之。謂羔羊腹時也。〔案〕謂羔羊。他本訛作與牛羊。或訛作與羊牛。今從傳。崧卿所言。舊本及方本。

綏多女士。綏安也。冠子取婦之時也。

丁亥萬用入學。丁亥者吉日也。萬也者干戚舞也。入學也者大學也。謂今時大舍采也。〔案〕舍采卽釋菜。古通用。

祭鮪。祭不必記。記鮪何也。鮪之至有時。美物也。鮪者魚之先至者也。而其至有時。謹記其時。

榮莖采繁。莖采也。〔案〕繁莖古通用。各本訛作榮黃菜。色菜繁。今從劉本。繁由胡。〔案〕由各本訛作田。下同。胡下。由胡者繁母也。繁

芴勃也。〔案〕芴各本訛作萬。今從陸璣。毛詩草木蟲魚疏所引。皆豆實也。故記之。

昆小蟲抵蜺。昆者衆也。由魂魄也。〔案〕由猶古通用。各本訛作田。魂魄也。今從劉本。魂魄也者動也。〔案〕各本脫魂。魂也三字。今從方本。小蟲動也。

其先言動而後言蟲者何也。萬物至是動。動而後著。〔案〕各本脫至字。又脫一動字。今從傳。本方本合訂。抵猶推也。蜺蠃卵也。爲祭

醢也。取之則必推之。推之不必取。〔案〕各本訛作必不取。今從傳。本方本合訂。故言推而不言取。〔案〕故言各本訛作取。必今從方本。

來降燕乃睇。〔案〕此下當脫一室字。燕乙也。降者下也。言來者何也。莫能見其始出也。故曰來降。言乃睇何也。睇者

眇也。眇者視可爲室者也。百鳥皆曰巢。突穴。又謂之室何也。〔案〕突穴卽燕之所爲。似穴而突出者也。又謂各本訛作取與。今從方本。操泥而

就家。〔案〕操各本作。入人內也。〔案〕各本訛作人。或作人入。今從關本。

剝鱓。〔案〕鱓。鱓。以爲鼓也。古通用。

有鳴倉庚。倉庚者商庚也。商庚者長股也。榮芸。

時有見稊始收。有見稊而後始收。是小正序也。小正之序時也。皆若是也。稊者所爲豆實。三月。

參則伏。伏者非亡之辭也。〔案〕亡各本訛作忘。今從傳本。星無時而不見。我有不見之時。故曰伏云。

攝桑。攝而記之。〔案〕各本重一桑字。今從傳本。急桑也。

委楊。〔案〕委下舊注。委一作萎。乃校書者所加。非盧氏注文。楊則花而後記之。

韋羊。〔案〕韋之言圍也。謂其環聚。羊有相還之時。〔案〕還環古通用。其類韋韋然記變爾。或曰韋羝也。

穀則鳴。穀天螻也。

頒冰。頒冰者分冰以授大夫也。

采識。〔案〕爾雅作識。識草也。

妻子始蠶。先妾而後子。何也。曰。事有漸也。言事自卑者始。〔案〕事字各本訛在自卑下。今從傳本。崧卿說訂正。

執養宮事。執操也。養長也。

祈麥實。麥者。〔案〕各本作麥實者。今從傳本。五穀之先見者。故急祈而記之也。

越有小旱。越于也。記是時恆有小旱。

田鼠化為鴛鴦。鴛鴦也。變而之善。故盡其辭也。鴛鴦為鼠。變而之不善。故不盡其辭也。

拂桐芭。拂也者。拂也。桐芭之時也。或曰。言桐芭始生。貌拂拂然也。

鳴鳩言始相命也。先鳴而後鳩何也。鳩者。鳴而後知其鳩也。

四月

昴則見。

初昏南門正。南門者星也。歲再見。壹正。蓋大正所取法也。

鳴札。〔案〕爾雅作蜚。札者寧縣也。〔案〕爾雅注引作虎縣。鳴而後知之。故先鳴而後札。

囿有見杏。囿者山之燕者也。

鳴蜮。〔案〕蜮。古通用。蜮。蠃也。或曰。屈造之屬也。

王蕢秀。

取茶。茶也者。以為君薦蔣也。

秀幽。

越有大旱記時爾。

執陟攻駒。執也者。始執駒也。執駒也者。離之去母也。陟升也。〔案〕各本脫此三字。今從張本方本。執而升之君也。攻駒也者。教之服車數舍之也。

五月

參則見參也者。伐星也。〔案〕伐各本脫。作牧。今從傳本。故盡其辭也。

浮游有殷。殷衆也。浮游。殷之時也。浮游者。渠略也。朝生而莫死。稱有何也。有見也。

鳩則鳴鳩者。百鷓也。鳴者。相命也。其不辜之。〔案〕辜沈本說作事。時也是善之。故盡其辭也。

時有養日。養長也。一則在本。一則在末。〔案〕本末猶初終。謂或在初或在終。鄭注月令云。辰角見九月本也。天根見九月末也。故其記曰。時有養日

云也。〔案〕各本脫有字云。訛作之。今從方本傳本合訂。

乃瓜。乃者。急瓜之辭也。瓜也者。始食瓜也。

良蜩鳴。良蜩也者。五采具。

屢之興。五日翁。望乃伏。〔案〕屢爾雅注作蠖。其不言生而稱興何也。不知其生之時。故曰興。以其興也。故言之興五

日翁也。望也者。月之望也。而伏云者。不知其死也。故謂之伏。五日也者。十五日也。翁也者。合也。伏也者。入

而不見也。

啓灌藍蓼。啓者。別也。陶而疏之也。灌者。聚生者也。記時也。

鳩爲鷹。

唐蝸鳴。唐蝸者。〔案〕蝸下各本有鳴字。今從方本。夏也。

初昏大火中大火者心也。心中種黍菽糜時也。

煮梅爲豆實也。

蓄蘭爲沐浴也。

菽糜已在經中又言之。〔案〕上初昏大火中說曰心中種黍菽糜時也。謂種黍與菽糜二事。皆以心中爲

是何也。時食矩關而記之。〔案〕是字時字各本互訛。今從方本。矩當爲巨大也。古字規矩鉅細通作巨。經

頌馬分夫婦之駒也。

將閒諸則。〔案〕閒當作閑。或取離駒納之則法也。〔案〕此下舊注矩關一作短閑。夫婦一

六月

初昏斗柄正在上。正月大火中。六月斗柄正在上。用此見斗柄之不正當心也。〔案〕正各本訛。蓋當依依

尾也。

煮桃桃也者。柶桃也。柶桃也者。山桃也。煮以爲豆實也。

鷹始摯。始摯而言之何也。諱殺之辭也。故言摯云。〔案〕各本脫言字。今從傳本。

七月

秀藿葦未秀則不爲藿葦秀然後爲藿葦故先言秀

狸子肇肆肇始也肆遂也言其始遂也其或曰〔案〕其字衍文肆殺也

湟潦生萃湟下處也有湟然後有潦潦而後有萃萃也〔案〕下潦字各本亦作有潦今從傳本

爽死爽也者猶疏也

萃秀〔案〕萃爾萃也者〔案〕此下各本衍有字今從傳本馬帝也

漢案戶漢也者天漢也〔案〕各本脫此四字今據文選西征賦月賦注所引案戶也者直戶也言正南北也

寒蟬鳴蟬也者蜺蝶也

初昏織女正東鄉

時有霖雨

灌荼灌聚也荼藿葦之秀爲蔣褚之也藿未秀爲菘葦未秀爲蘆

斗柄縣在下則旦

八月

剝瓜剝瓜也者〔案〕各本脫此四字今從傳本畜瓜之時也

玄校。玄也者。黑也。校也者。若綠色然。婦人未嫁者衣之。

剝棗。剝也者。取也。

栗零。零也者。降也。零而後取之。故不言剝也。

丹鳥。羞白鳥。丹鳥也者。謂丹良也。白鳥也者。〔案〕兩也者。各本脫也。字。今從月。今注所引。謂蚊蚋也。其謂之鳥者何也。〔案〕各

何二字。今從傳本。重其養者也。有翼者為鳥。羞也者。進也。不盡食也。

辰則伏。辰也者。房星也。〔案〕各本脫者。字。今從通解本。房伏也者。入而不見也。

鹿人從。鹿人從者。〔案〕各本不重。鹿人從羣也。鹿之養也。離羣而善。〔案〕此下各本衍之離而生。非所知

時也。故記從不記離。君子之居幽也不言。或曰人從也者。〔案〕各本重一大者于外。小他于內。率之也。

駕為鼠。

參中則旦。

九月

內火。內火也者。大火。大火也者。心也。

遷鴻鴈。遷往也。

主夫出火。主夫也者。主以時縱火也。

陟玄鳥。蟄。陟升也。玄鳥者。燕也。先言陟而後言蟄。何也。陟而後蟄也。
熊。熊。貉。貉。鼯。鼯。則。穴。〔案〕爾雅注引鼯則大言蟄也。〔案〕各本作若

榮。鞠。鞠。草也。鞠。榮而樹麥。時之急也。

王始裘。王始裘者何也。〔案〕各本不重王始衣裘之時也。

辰繫于日。

雀入于海爲蛤。蓋有矣。非常入也。

十月

豺祭獸。善其祭而後食之也。

初昏。南門見。〔案〕此月南門二星朝見于東南南門者。星名也。及此再見矣。

黑鳥浴。〔案〕鳥各本訛黑鳥者。何也。鳥也。〔案〕各本脫黑鳥二字浴也者。飛乍高乍下也。

時有養夜。養者長也。〔案〕各本脫夜養若日之長也。

玄雉入于淮爲蜃。蜃者。蒲盧也。〔案〕古語謂隨變而成者曰蒲盧

織女正北鄉則旦。織女星名也。

十有一月

王狩。王狩者。〔案〕各本脫下。王字今從傳本。言王之時田也。〔案〕各本脫也。字今從方本。冬獵爲狩。

陳筋革。陳筋革者。省兵甲也。

嗇人不從。不從者弗行。〔案〕此下有脫文。

于時月也。萬物不通。

隕麋角。隕墜也。日冬至。陽氣至始動。諸向生皆蒙蒙符矣。故麋角隕。記時焉爾。

十有二月

鳴戈。〔案〕弋。古字通。弋。鷹也。者禽也。先言鳴而後言弋者。何也。鳴而後知其弋也。

玄駒賁。玄駒也者。蝮也。賁者何也。走于地中也。

納卵蒜。卵蒜也者。本如卵者也。納者何也。納之君也。

虞人入梁。虞人官也。梁者。主設罔罟者也。

隕麋角。蓋陽氣且睹也。〔案〕且。各本作且。今從傳本。故記之也。

大戴禮記卷三

保傅第四十八

保傅

殷爲天子三十餘世而周受之。

凡三十一世

周爲天子三十餘世而秦受之。

凡三十七世

秦爲天子二世而亡。人性非甚相遠也。

孔子曰：性相近。

何殷周有道之長而秦無道之暴。

暴卒疾也。

其故可知也。古之王者太子迺生，因舉以禮。〔案〕各本作太子及生固舉之禮。漢書買誼傳作太子迺生。

今參據改正。

古即殷周時也。

使士負之。

卜其吉也。

有司齊肅端冕。〔案〕齊肅各本訛作參夙。興今據李彪傳所引改正。見之南郊。見之天也。

齊肅。〔案〕各本訛作齊肅。今訂正。謂三月朝也。端正也。冕服之正。

過闕則下。

敬君典法之處。

過廟則趨。

逕闕故下。〔案〕逕各本訛作遙。今據儀禮經傳通解改正。望廟則趨。

孝子之道也。故自為赤子時。教固已行矣。昔者周成王幼在襁褓之中。召公為太保。周公為太傅。太公為

太師。

武王崩。成王十有三也。而云在襁褓之中。言其小。

保。保其身體。

保謂安守之。

傅。傅其德義。

傅。猶敷也。

師。導之教訓。

師傅之教大同也。師主于訓導。傅則受而述之。書序曰。周公爲師。召公爲保。相成王。爲左右也。此三公之職也。

今尙書說三公。司馬。司徒。司空也。古尙書及周禮說義與此同。故先儒論者多依此爲說也。于是爲置三少。皆上大夫也。

卿也。謂之孤也。

曰少保。少傅。少師。是與太子宴者也。

記者因成王幼稚。周公居攝。又以王少漸聖賢之訓。長終封禪之美。故據其成事。同于太子。而始末序之。取明殷周之隆。師友爲先也。

故孩提。

三少又親近。故孩提而教之。

三公三少。固明孝仁禮義以導習之也。逐去邪人。不使見惡行。于是比選天下端士。孝悌閑博有道術者。

以輔翼之。使之與太子居處出入。故太子乃日見正事。聞正言。行正道。左視右視。前後皆正人。夫習與正人居。不能毋正也。猶生長于齊。不能不齊言也。習與不正人居。不能毋不正也。猶生長于楚。不能不楚言也。故擇其所嗜。必先受業。乃得賞之。擇其所樂。必先有習。乃得爲之。

恐其懈惰。故以所嗜好而誘之。

孔子曰。少成若天性。

〔案〕他本脫去。天字。今從劉本。

習貫之爲常。

言人性本雖無善。少教成之。若天性自然也。周書曰。習之爲常。自氣血始。此殷周之所以長有道也。

其太子幼擇師友亦然。

及太子少長。知妃色。則入于學。學者所學之官也。

〔案〕各本作則入于小學。小者所學之官也。今據賈誼新書及漢書訂正。

古者太子八歲入小學。十五入太學也。

學禮曰。帝入東學。上親而貴仁。則親疏有序而恩相及矣。帝入南學。上齒而貴信。則長幼有差而民不誣矣。帝入西學。上賢而貴德。則聖智在位而功不匱矣。帝入北學。上貴而尊爵。則貴賤有等而下不踰矣。

成王年十五。亦入諸學。觀禮布政。故引天子之禮以言之。四學者。東序瞽宗。虞庠及四郊之學也。春氣溫養。故上親。夏物咸小。大殊。故上齒。秋物成實。故貴德。冬時物藏于地。惟象于天。半見也。故上爵也。

帝入太學承師問道退習而端于太傅太傅罰其不則而達其不及則德智長而理道得矣此五義者既成于上則百姓黎民化輯于下矣〔案〕輯下舊注輯一作輯乃校書者所加非盧氏注文學成治就此殷周之所以長有道也

成王學竝正于三公也獨云太傅舉中言

及太子既冠成人免子保傅之嚴則有司過之史有虧膳之宰〔案〕有下各本衍徹字今從方本

太子齒于學有榎楚之威成王雖幼固與成人等且王既冠

太子有過史必書之史之義不得不書過不書過則死過書而宰徹去膳〔案〕此下各本衍夫膳二字宰今從方本及太平御覽所引宰之義不得不徹膳不徹膳則死于是有進善之旆

堯置之令進善者立于旆下也

有誹謗之木

堯置之使書政之僣失也

有敢諫之鼓

舜置之使諫者擊之以自聞也

鼓夜誦詩

賈誼云警史誦詩然警與鼓聲誤也夜史爲字誤

工誦正諫。

工樂人也。瞽官長。誦謂隨其過。誦詩以諷。大夫諫之以義。後于瞽史。士傳民語。習與智長。故切而不攘。

量知授業。故雖勞能受也。

化與心成。故中道若性。

觀心施化。故變善如性也。

是殷周所以長有道也。三代之禮。天子春朝朝日。秋暮夕月。

祭日東壇。祭月西坎。以別內外。以端其位。

所以明有別也。

教天下之別也。〔案〕別各本說作臣。今從永樂大典本。

春秋入學。坐國老。執醬而親饋之。

仲春舍菜。合儻。仲秋班學。合聲。天子視學。而遂養老。

所以明有孝也。

教天下之孝也。

行中鸞和步中采茨。〔案〕此下舊注一作齊乃校書者語非盧氏注文。趨中肆夏。

車亦應樂節步又中佩聲互言之也。爾雅曰堂上謂之行門外謂之趨。周禮及玉纁曰行以肆夏趨以采茨。此云步中采茨趨中肆夏又云行以采茨趨以肆夏則于大寢之內奏采茨朝廷之中奏肆夏與周禮文誤也。

所以明有度也。

教天下之儀也。〔案〕各本脫之字今從永樂大典本。

于禽獸見其生不食其死聞其聲不嘗其肉故遠庖廚。

玉纁曰凡血氣之類弗身踐。

所以長恩且明有仁也。

皆先正于己。

食以禮。

謂俎豆傳列及食之等。

徹以樂。

于飲食之間又不忘禮樂。

失度則史書之。工誦之。三公進而讀之。宰夫減其膳。是天子不得爲非也。

失孝敬禮樂之度也。

明堂之位曰。(案)位當作禮。與上所引學禮皆古禮逸篇。篤仁而好學。多聞而道慎。天子疑則問。應而不窮者謂之道。道者導

天子以道者也。常立于前。是周公也。誠立而敢斷。

言能忠誠有立而果于斷割。

輔善而相義者謂之充。充者。充天子之志也。常立于左。是太公也。絜廉而切直。匡過而諫邪者。謂之弼。弼者拂天子之過者也。常立于右。是召公也。博聞強記。接給而善對者。謂之承。承者承天子之遺忘者也。常立于後。是史佚也。

接給。謂應所問而給也。史佚。周太史尹佚也。立道于前。承于後。置充于左。列諫于右。順名義也。道者有疑則問。故或謂之疑。充者輔善。故或謂之輔。

故成王中立而聽朝。則四聖維之。是以慮無失計。而舉無過事。殷周之所以長久者。(案)所各本訛。作前。今從方本。其輔翼天子有此具也。及秦不然。其俗固非貴辭讓也。所尚者告得也。

賈誼云。所上者告訐也。然得字之誤也。

固非貴禮義也。所尚者刑罰也。故趙高傅胡亥。

趙高宦者。秦中車府令。胡亥。始皇少子。二世也。

而教之獄。所習者非斬劓人。則夷人三族也。故今日卽位。明日射人。忠諫者謂之誹謗。深爲計者謂之誣。

昔伊尹諫夏桀。桀笑曰。子爲詛言矣。莊辛諫襄王。襄王曰。先生爲楚國詛與。是也。

其視殺人若艾草菅然。豈胡亥之性惡哉。彼其所以習導非其治故也。鄙語曰。不習爲吏而視已事。〔案〕而各

本作如。今從方本。

觀前成事也。古諺云。前事之不忘。後事之師也。鄙猶今言俗語然也。

又曰。前車覆。後車誡。夫殷周所以長久者。其已事可知也。然而不能從。〔案〕而各本作如。今從方本。是不法聖知也。秦

世所以亟絕者。其轍迹可見也。然而不辭者。是前車覆而後車必覆也。夫存亡之變。〔案〕各本訛作敗。治

亂之機。其要在是矣。天下之命懸于天子。天子之善。在于早諭教與選左右。心未疑而先教諭。則化易成

也。

心未疑。謂未有所知時也。

夫開于道術。知義理之指。則教之功也。若夫服習。貫則左右已。胡越之人。生而同聲。嗜慾不異。及其長

而成俗也。衆數譯而不能通。〔案〕衆各本訛作參。能下各本有相字。今從方本。劉本。行雖有死不能相爲者。教習然也。

生而同聲。及其長也。重譯而曉之。不能使言語相通。嗜慾不異。至于成俗。其所行雖有死之可畏。猶不相放爲者。皆教習使之然也。

故曰。選左右。早諭教最急。夫教得而左右正。左右正則天子正矣。天子正而天下定矣。

孟子曰。君正莫不正也。君正而國定也。

書曰。一人有慶。萬民賴之。此時務也。

時猶是也。

天子不諭先聖王之德。〔案〕論各本訛作論。今從方本及漢書。不知國君畜民之道。不見禮義之正。不察應事之理。不博古

之典傳。不閑于威儀之數。詩書禮樂無經。學業不法。凡是其屬。太師之任也。天子無恩于父母。不惠于庶

民。無禮于大臣。不中于刑獄。〔案〕刑各本訛作制。今據儀禮經傳通解訂正。此下舊注無一作輕。乃校書者所加。非盧氏注文。無經于百官。不哀于喪。不

敬于祭。不信于諸侯。不誠于戎事。不誠于賞罰。不厚于德。不強于行。賜與侈于近臣。遴愛于疏遠卑賤。

〔案〕遴咨古字通用。各本訛作鄰。今從方本。不能懲忿窒慾。

言不勝其情。易曰。君子以懲忿窒慾。

不從太師之言。凡是其屬。〔案〕其各本訛作之。今從方本。太傅之任也。天子處位不端。受業不敬。言語不序。聲音不中律。

聲有準。乃中律。

進退節度無禮。

節度或爲卽席。

升降揖讓無容。周旋俯仰。視瞻無儀。妄顧咳唾。〔案〕妄各本訛作安。今從方本。趨行不得。

趨或爲走。

色不比順。隱琴瑟。

隱據也。言按禮樂之器。

凡此其屬。太保之任也。天子宴瞻其學。

少師與天子宴者也。

左右之習反其師。

左右所習。不順于師也。

答遠方諸侯。不知文雅之辭。應羣臣左右。不知已諾之正。簡聞小誦。不傳不習。凡此其屬。少師之任也。天

子居處出入。不以禮。冠帶衣服。不以制。御器在側。不以度。〔案〕此下各本衍縱字。今從方本。上下雜采。不以章。

惑于朱紫。不以典章。

忿怒說喜。不以義。賦與集讓。〔案〕集通解云當作讎。不以節。凡此其屬。少傅之任也。天子宴私安而易。〔案〕而各本作如。今從方

本。

自放縱也。

樂而湛。

湛以樂也。

〔案〕儀禮經傳通解作過于樂也。

飲酒而醉。食肉而餒。

過其性也。

飽而強。

強。勉強也。

饑而憊。

憊。貪殘也。

暑而渴。

渴。傷暑也。

寒而嗽。寢而莫宥。坐而莫侍。行而莫先。莫後。天子自爲開門戶。取玩好。自執器皿。亟顧環面。環旋也。

御器之不舉不藏。凡此其屬。少保之任也。號呼歌謠。聲音不中律。宴樂雅誦。(案)誦頌古通用。迭樂序。(案)迭各本訛作送。

輕用雅誦也。凡禮不同。樂各有秩。苟從所好。亂其次聲。樂之失任。在太史者。樂應天也。國語曰。吾非瞽

史。焉知天道也。

不知日月之時節。不知先王之諱與大國之忌。

周禮小史職曰。若有事則詔王之忌諱也。

不知風雨雷電之眚。凡此其屬。太史之任也。易曰。正其本。萬物理。失之毫釐。差之千里。故君子慎始也。

據易說言也。

春秋之元。詩之關雎。禮之冠昏。易之乾《》。皆慎始敬終云爾。

元者。氣之始也。夫婦化之始也。冠昏人之始也。乾《》物之始也。獲麟。春秋終也。頌者。詩之終也。吉禮。禮

之終也。未濟。易之終也。此其重始令終之義也。以言人道。當謹始而貴終也。

素成。(案)下云故曰素成。則此二字目下之辭。各本作素誠。繁成。因訛致衍。今訂正。謹爲子孫娶妻嫁女。必擇孝悌世世有行義者。(案)行下他本。衍仁字。今

從劉本。如是則其子孫慈孝。(案)他本脫去。其字。今從劉本。不敢姪暴。黨無不善。三族輔之。

三族。父族。母族。妻族。

故曰鳳凰生而有仁義之意。虎狼生而有貪戾之心。兩者不等。各以其母。嗚呼。戒之哉。無養乳虎。將傷天下。

謂古有斯言。

故曰素成胎教之道。書之玉板。藏之金匱。置之宗廟。以爲後世戒。

斯王業隆替之所由也。當重而祕之。故置于宗廟。藏以金匱也。

青史氏之記曰。〔案〕此下舊注。一曰青史子。乃校書者語。非盧氏注文。古者胎教。王后腹之七月而就宴室。

宴室。郊室。次于寢也。亦曰側室。自王后以下。有子月辰。女史皆以金環止御王后。比七月就宴室。夫人婦嬪。則以三月就其側室。皆閉房而處也。王后以七月爲節者。君聽天下之內政。自諸侯以下妻同之也。

太師持銅而御戶左。〔案〕師。各本訛作史。今據通解訂正。太宰持升而御戶右。

太師。瞽者宗伯之屬。下大夫。太宰。膳夫也。冢宰之屬。上士二人。言太宰。因諸侯之稱也。樂爲陽。故在左。飲食爲陰。故在右。升所以斟。

比及三月者。王后所求聲音非禮樂。則太師縊瑟而稱不習。

謂逆序若淫聲。

所求滋味者非正味。則太宰倚升而言曰。不敢以待王太子。

謂非秩若不時。縑瑟倚升示不用。

太子生而泣。太師吹銅曰。聲中某律。

貴中月管。

太宰曰。滋味上某。

上某時味。

然后卜名。上無取于天。

謂昊旻之事。

下無取于墜。

謂神州及社稷。

中無取于名。山通谷。無拂于鄉俗。

言不苟易于鄉俗也。

是故君子名難知而易諱也。此所以養恩之道。

謂避後之諱。

古者年八歲而出就外舍。學小藝焉。履小節焉。束髮而就大學。學大藝焉。履大節焉。

外舍小學。謂虎闌師保之學也。

〔案〕各本脫外舍二字。今從永樂大典本補。虎闌各本作庠。門又于師字下。保字上。雜入庠門一作虎闌六字。今訂刪。

大學。王宮

之東者。束髮謂成童。白虎通曰。八歲入小學。十五入大學。是也。此太子之禮。尚書大傳曰。公卿之太子。大夫元士嫡子。年十三始入小學。見小節而履小義。二十而入大學。見大節而踐大義。此世子入學之期也。又曰。十五入小學。十八入大學。謂諸子性晚成者。至十五入小學。其早成者。十八入大學。內則曰。十年出就外傅。居宿于外。學書計者。謂公卿以下教子于家也。

居則習禮文。行則鳴佩玉。升車則聞和鸞之聲。是以非僻之心無自入也。在衡爲鸞。在軾爲和。馬動而鸞鳴。鸞鳴而和。應聲曰和。和則敬。此御之節也。上車以和鸞爲節。下車以珮玉爲度。上有雙衡。下有雙璜。衡。平也。半壁曰璜。

衝牙。

衝在中。牙在旁。

玼珠以納其間。

納于衝璜衝牙之間。玼亦作蟻。

琚瑀以雜之。

總曰玼珠而赤者曰瑀。白者曰瑯。或曰瑯美玉。瑀石次玉。

行以采茨趨以肆夏。步環中規。折還中矩。進則揖之。〔案〕此下舊注揖一作厭。乃校書者語。非盧氏注文。退則揚之。然后玉鏘鳴也。古之爲路車也。蓋圓以象天。二十八撩以象列星。

撩蓋弓也。

軫方以象地。三十幅以象月。故仰則觀天文。俯則察地理。前視則睹鸞和之聲。側聽則觀四時之運。

謂視輪也。車爲月。

此巾車教之道也。

巾車。宗伯之屬。下大夫。二人。自青史氏以下。太子之事也。

周后妃任成王于身。立而不跛。〔案〕此下舊注跛一作跛。乃校書者語。非盧氏注文。坐而不差。獨處而不倨。雖怒而不冒。胎教之謂也。

太任孕文王。目不視惡色。耳不聽淫聲。口不起惡言。故君子謂太任爲能胎教也。古者婦人孕子之禮。寢不側。坐不邊。立不蹕。不食邪味。割不正不食。席不正不坐。目不視邪色。耳不聽淫聲。令瞽誦詩。道正事。如此則生子形容端正。才過人矣。孕子之時。必慎所感。感于善則善。感于惡則惡也。成王生。仁者養之。

謂乳母也。

孝者繚之。

謂保母也。

四賢傍之。

謂慈母及子師。

成王有知而選太公爲師。周公爲傅。此前有與計。

謂諸公也。

而後有與慮。

〔案〕此下各本衍也。字今從劉本方本。

是以封泰山而禪梁甫。朝諸侯而一天下。由此觀之。王左右不可不練也。

白虎通曰。王者易姓而起。必升封泰山報告之義。天以高爲尊。地以厚爲德。故增泰山之高以報天。附梁甫之厚以報地。明以成功。事就有益于天地。若高者加高。而厚者增厚矣。尙書中候曰。昔者聖王功成。道洽符出。乃封泰山。禮緯曰。刑法格藏。世作頌聲。封于泰山。攷績柴燎。禪于梁甫。刻石紀號。英炳巍巍。功平世教。白虎通又曰。王始起。日月尙促。德化未宣。獄訟未息。近不治。遠不安。故太平巡狩也。按古受命之君。太平然後行巡狩封禪之事者。諒有義也。故管夷吾記。凡封禪之君七十二家。至于三代。惟

夏禹殷湯周成王而已。其封山之禮。要于岱。禪地之禮。別以云繹。其故何也。以岱宗東方之岳。非所易者。其于衆山。可因義取尙。故白虎通以繹。繹者爲無窮之意。亭亭者爲德法審著。凡封禪之禮。周于恒。霍。及繼體之君。獨言泰山。及受命者。舉其始也。封謂負土石于泰山之陰。爲壇而祭天也。禪謂除地于梁甫之陰。爲壇以祭地也。變壇爲禪者。神之也。

昔者禹以夏王。桀以夏亡。湯以殷王。紂以殷亡。闔廬以吳戰勝無敵。夫差以見禽于越。

夫差內不納子胥之忠諫。外結怨于諸侯。無德罷百姓。故終縊于句踐也。

文公以晉國霸。而厲公以見殺于匠黎之宮。

厲公有鄆陵之勝。而驕暴無道。及遊于匠黎氏之家。爲樂書中行。偃刦而幽之。諸侯百姓不哀救。三月而死也。

威王以齊強于天下。而簡公以弑于檀。〔案〕此下舊注一有藥字。乃校書者語。非盧氏注文。藥卽臺字之誤。各本正文復衍臺字。今據注刪。

檀。臺名也。簡公。悼公之子。齊侯王也。威王。陳敬仲之後。田常之六世孫。田和之孫也。田常弑簡公。至和爲齊侯。其孫號稱王。大強于天下。

穆公以秦顯名尊號。〔案〕各本脫秦字。今從方本。二世以刺于望夷之宮。

穆公。秦伯任好也。德公之少子。宣公之季弟。其孫孝公曰。昔我穆公自岐之間。修德行武。東平晉亂。以

河爲界。西霸戎翟。地廣千里。天子致伯。諸侯畢賀。顯名尊號。謂此也。望夷宮在長陵西北。長平觀東。臨涇水。作之以望北夷。二世嘗夢白虎齧其左驂。殺之心不樂。乃問占夢者。卜言涇水爲祟。二世就望夷之宮而祠焉。趙高爲丞相。二世以天下兵寇之事而責之。高懼誅。遂使其壻閻樂將士卒殺之望夷宮之內。

其所以君王同而功迹不等者。所任異也。

君謂齊晉。王謂夏殷。

故成王處繯抱之中。朝諸侯。周公用事也。武靈王五十而弑沙丘。任李兌也。

武靈王。肅侯之子。趙武王也。舍其太子章而立王子何。自號爲主父。後有太子難。李兌圍之于沙丘。終餓于沙宮也。沙丘。今在趙郡鍾臺之南。

齊桓公得管仲。九合諸侯。

國語曰。兵車之屬六。乘車之會三。

一匡天下。

匡。正也。謂陽穀之會。施四教于諸侯。

再爲義王。

陽穀與召陵也。

失管仲任豎刁狄牙身死不葬而爲天下笑一人之身榮辱具施焉者在所任也。

葬之爲言藏也管仲死桓公任豎刁狄牙使專國政桓公卒二子各欲立其所傳之公子而諸子並爭國亂無主桓公屍在牀積六十七日十二月乙亥其子無詭立乃棺赴焉七日辛巳夜殯至九月而後葬矣。

故魏有公子無忌而削地復得。

公子無忌信陵君也時魏地多爲秦所并削安釐王二十六年秦昭王卒三十年信陵君率五國之兵攻秦而敗之復得其地。

趙得藺相如而秦不敢出。

藺相如趙惠文王之相也嘗以和氏之璧使于秦完璧而歸及渑池之會又偪秦王爲趙王擊缶是以秦人憚焉故曰趙有藺相如強秦不敢闕兵井陘。

安陵任周瞻而國人獨立。

諸記多爲唐睢又賈子胎教與此同安或爲隰或云秦破韓滅魏而隰陵君獨以五十里國存者周瞻唐睢之力也。

楚有申包胥而昭王反復。

昭王爲闔廬敗于柏莒。而越在草莽。包胥裹糧跣走。請救于秦。遂得甲車千乘。步卒十萬。敗吳師于濁上。王反而國存。

齊有田單。襄王得其國。

襄王。閔王之子。法章也。初齊之敗楚。使淖齒將兵救齊。因相閔王。淖齒遂殺閔王。其子法章。變易姓名。爲莒太史家庸齒去莒。莒中齊亡臣相聚。求閔王之子欲立之。于是莒人共立法章。是爲襄王也。以保莒城。而布告齊國曰。王旣立在于莒也。襄王五年。而田單卒以卽墨之師攻破燕。迎襄王于莒。入臨淄。齊故地盡復。屬齊。封田單爲安平君。

由是觀之。無賢佐俊士。而能成功立名。安危繼絕者。未之有也。是以國不務大而務得民心。佐不務多而務得賢臣。得民心者。民從之。有賢佐者。士歸之。文王請除炮烙之刑。而殷民從。

昔紂爲長夜之飲。百姓怨望。諸侯有叛之者。紂乃重刑辟。有炮烙之法。文王出牖里。求以洛西之田。請除炮烙之刑。紂乃許之。

湯去張網者之三面。而二垂至。

湯嘗出田。見野張網四面。祝曰。自上下四方。皆入吾網。湯曰。噫。盡之矣。乃去其三面。而祝曰。欲左左。欲

右右不用命者乃入吾網。諸侯聞之曰：湯德至矣。乃及禽獸。于是朝商者三十國。二垂謂天地之際。言感通之遠。淮南子曰：文王砥德修政，二垂至。

越王不頽舊冢而吳人服。

蓋句踐也。

以其所爲順于人也。

皆得民心也。

故同聲則異而相應。意合則未見而相親。賢者立于本朝。而天下之豪相率而趨之也。

從其類也。故詩有伐木之歌。易有拔茅之喻也。

何以知其然也。管仲者。桓公之讐也。

乾時之役。管仲射桓公。中其鉤。

鮑叔以爲賢於己而進之。桓公七十言說乃聽。遂使桓公除仇讎之心而委之國政焉。桓公垂拱無事而

朝諸侯。鮑叔之力也。

垂拱言無所指麾者也。

管仲之所以北走桓公而無自危之心者。同聲于鮑也。

齊在魯北。

衛靈公之時。蘧伯玉賢而不用。迷子瑕不肖而任事。

彌當聲誤爲迷也。因言賢者歿猶得士也。

史鮪患之。數言蘧伯玉賢而不聽。病且死。謂其子曰。我卽死。

言死于今一日卽就。

治喪于北堂。吾生不能進蘧伯玉而退迷子瑕。是不能正君者。死不當成禮。而置屍于北堂。而猶汝也。

于我足矣。靈公往弔。問其故。其子以父言聞。靈公造然失色。

造然。驚慘之貌。

曰。吾失矣。立召蘧伯玉而貴之。

進之爲卿。

召迷子瑕而退之。(案)各本脫之字。今從方本。徙喪于堂。成禮而後去。衛國以治。史鮪之力也。

成禮復正室。

夫生進賢而退不肖。死且未止。又以屍諫。可謂忠不衰矣。

故論語曰直哉史魚。

紂殺王子比干而箕子被髮陽狂。

比干諫而死。箕子曰：知不用而言，愚也。殺其身以彰君之惡名，不忠也。二者不可，然且爲之，不祥莫大焉。解衣被髮爲狂而去之。

靈公殺泄冶而鄧元去，陳以族從。

凡諸侯之卿大夫有功德者，則命之立族，使其子嗣之，以守宗廟。鄧元知陳之必亡，故以族去。昔宮之奇諫，虞不從，亦族行之。

自是之後，殷并于周，陳亡于楚，以其殺比干與泄冶而失箕子與鄧元也。

紂以文王十二年殺比干，十三年爲武王滅。陳靈公魯宣九年殺泄冶，十一年而楚子縣焉。

燕昭王得郭隗而鄒衍樂毅自齊魏至。

〔案〕各本自說作以脫魏字，今從方本及賈誼新書。

昭王，易王之子，燕王平也。能師事郭隗而爲之立宮室，于是修先君之怨于齊，以求士也。韓詩外傳云：以魏齊至之。

于是舉兵而攻齊，棲閔王于莒。

閔王，威王之孫，宣王之子，齊王地也。閔王三十年，昭王與晉楚合謀而伐齊，齊師大敗，樂毅爲上將，遂

入臨淄。閔王出奔于衛。衛不安。去之鄒魯。又不納焉。遂去于莒也。

燕度地計衆。

〔案〕度各本訛作支。今從方本。

不與齊均也。然而所以能申意至于此者。

〔案〕而各本作如今。從方本。

由得士也。

度猶計也。昭王曰。孤極知燕小力不足以報之。然得賢士與之共國。以雪先恥。孤之願也。

故無常安之國。無恒治之民。

〔案〕恒各本訛作宜。今從方本。

得賢者安存。失賢者危亡。自古及今。未有不然者也。

故韓詩外傳曰。賢者之所在。其君未嘗不尊。其國未嘗不安也。

明鏡者所以察形也。往古者所以知今也。

詩云。殷鑒不遠。在夏后之世。

今知惡古之危亡。不務襲迹于其所以安存。則未有異于卻走而求及于前人也。太公知之。故與微子之

後而封比干之墓。夫聖人之于當世存者乎。其不失可知也。

〔案〕此條有脫文。賈誼新書云。夫聖人之于聖者之死。尙如此其厚也。況當世存者乎。其

弗失可知矣。

與微子之後。封比干之墓。見于本紀。樂記云。太公者公襄之也。

大戴禮記卷四

曾子立事第四十九

曾子本孝第五十

曾子立孝第五十一

曾子大孝第五十二

曾子事父母第五十三

曾子立事

曾子曰。君子攻其惡。

計其失也。

求其過。

省其身也。

彊其所不能。去私欲。從事于義。可謂學矣。君子愛日以學。及時以行。難者弗辟。易者弗從。惟義所在。日旦就業。夕而自省。思以殒其身。亦可謂守義矣。君子學必由其業。

故業必請之。

問必以其序。問而不決。承間觀色而復之。

復白也。

雖不說。亦不彊爭也。

惟不說。未解。不彊爭。

君子既學之。患其不博也。既博之。患其不習也。既習之。患其無知也。既知之。患其不能行也。既能行之。貴其能讓也。

貴不以己能而競于人。

君子之學。致此五者而已矣。

五者。謂患其不博、不習、無知、不能行、能以讓。

君子博學而孱守之。

孱。小貌。不務大。

微言而篤行之。行必先人。言必後人。

君子欲訥于言而敏于行。

君子終身守此悒悒。

悒悒憂念也。

行無求。數有名。事無求。數有成。

數猶促速。

身言之。後人揚之。身行之。後人秉之。

非法不言。言則爲人誦之。非德不行。行則爲人安之。

君子終身守此憚憚。

憚憚憂惶也。

君子不絕小。不殄微也。

殄亦絕也。

行自微也。不微人。人知之。則願也。人不知。苟吾自知也。君子終身守此勿勿也。

勿勿猶勉勉。

君子禍之爲患。辱之爲畏。見善恐不得與焉。見不善者恐其及己也。

論語曰。見善如不及。見惡如探湯。

是故君子疑以終身。

疑善之不與，惡之及己也。

君子見利思辱，見惡思詬。

詬，恥也。

嗜慾思恥，忿怒思患。

故愚惑者一朝之忿，忘其身。

君子終身守此戰戰也。君子慮勝氣。

血氣勝則害身，故君子有三戒。

思而後動，論而後行，行必思言之。

貴其可談言。

言之必思復之。

論語曰：信近于義，言可復也。

思復之，必思無悔言。

無不可復。

亦可謂慎矣。人信其言，從之以行。

己言不虛。

人信其行，從之以復。

易曰：終日乾乾，反復其道。

復宜其類。

詩云：宜爾室家，樂爾妻孥。

類宜其年。

詩云：樂只君子，萬壽無期。

亦可謂外內合矣。君子疑則不言，未問則不言，兩問則不行，其難者。君子患難除之，財色遠之，流言滅之，禍之所由生，自熾熾也。是故君子夙絕之。君子已善，亦樂人之善也。己能，亦樂人之能也。己雖不能，亦不以援人。君子好人之爲善而弗趣也。

不促速之，恐其倦也。

惡人之爲不善而弗疾也，疾其過而不補也。

補謂文也。

飾其美而不伐也。

顏淵曰。願無伐善。

伐則不益。補則不改矣。君子不先人以惡。不疑人以不信。

謂不億不信。不逆詐。

不說人之過。成人之美。

說。解說也。

存往者在來者。

在猶存也。

朝有過。夕改則與之。夕有過。朝改則與之。君子義則有常。善則有鄰。

德不孤。

見其一。冀其二。見其小。冀其大。苟有德焉。亦不求盈于人也。

言器之也。

君子不絕人之歡。不盡人之禮。

通飲食之饋。序其歡也。簡服物之禮。令其忠也。

來者不豫。往者不嗔也。〔案〕嗔各本因注有愠字。訛作愠。今從方本。

慎故于物。來者不猶豫。往者無所嗔。

去之不謗。

以義去之。

就之不賂。

以道往也。

亦可謂忠矣。君子恭而不難。安而不舒。遜而不詔。寬而不縱。惠而不儉。直而不徑。

徑行。夷狄之道。

亦可謂知矣。君子入人之國。不稱其諱。不犯其禁。

諱。國諱。禁。國禁。

不服華色之服。

服法服。

不稱懼惕之言。故曰與其奢也寧儉。與其倨也寧句。

倨猶慢也。句以喻敬。

可言而不信，寧無言也。君子終日言，不在尤之中。小人一言，終身爲罪。君子亂言而弗殖，夙絕之。

神言弗致也。

怪力亂神，子所不語。

道遠日益。

〔案〕此下各本衍云字，今從馬驢釋史所引訂正。

衆信弗主，黔言弗與。

〔案〕黔，古陰字，各本訛作靈，今從方本。

道遠日益，積習之也。不主，謂僉議所同不爲主。

人言不信，不和。

不合忠信之道。

君子不唱，流言不折辭。

言不苟折，窮人辭也。

不陳人以其所能，言必有主，行必有法。

依前言往行也。

親人必有方。

方猶常也。

多知而無親。

無所親行。

博學而無力。好多而無定者。君子弗與也。君子多知而擇焉。博學而算焉。多言而慎焉。

多言者。謂時事須繁也。言雖多而皆慎。

博學而無行。進給而不讓。好直而徑。儉而好侷者。君子不與也。

侷。寒也。言好直則太徑。爲儉又太逼。塞于下也。

夸而無恥。強而無憚。好勇而忍人者。君子不與也。亟達而無守。

亟。數也。數自達而無所守。

好名而無體。

無容體。

忿怒而無惡。(案)無各本。說作爲。今從方本。

不以爲惡。或曰無惡而怒。

足恭而口聖而無常位者。君子弗與也。巧言令色。能小行而篤。難于仁矣。嗜酤酒。好謳歌。巷遊而鄉居者。乎。吾無望焉耳。

無可望也。尚書大傳曰：古者聖帝之治天下也，五十以下，非蒸社不敢遊飲，惟六十以上游飲也。出入不時，言語不序，安易而樂暴，懼之而不恐，說之而不聽，雖有聖人，亦無若何矣。臨事而不敬。

惰于從事。

居喪而不哀，祭祀而不畏。

不畏其神。

朝廷而不恭，則吾無由知之矣。三十四十之間而無藝，卽無藝矣。五十而不以善聞，則無聞矣。〔案〕各本

三字，今從舊本會
子書所引補正。

終可知。

七十而無德，雖有微過，亦可以勉矣。〔案〕此與後勉于
罪之勉皆當作免。

言其過不足論也。

其少不諷誦，其壯不論議，其老不教誨，亦可謂無業之人矣。少稱不弟焉，恥也。壯稱無德焉，辱也。老稱無禮焉，罪也。過而不能改，僂也。

僂，傾病人。

行而不能遂，恥也。

謂不能終也。

慕善人而不與焉。辱也。弗知而不問焉。固也。

固。專固也。

說而不能窮也。喜怒異慮。惑也。不能行而言之。誣也。非其事而居之。矯也。道言而飾其辭。虛也。

謂道聽來言。文飾其辭也。

無益而厚受祿。竊也。好道煩言。亂也。殺人而不戚焉。賊也。人言不善而不違。

色順之也。

近于說其言。

說古通以爲悅字。

說其言。殆于以身近之也。

殆危也。言危于以身近之。

殆于以身近之。殆于身之矣。

危害于身。

(案)上注云言危于以身近之。危與殆皆可作。幾然之辭。此注則大失正文之意。殆于身之謂幾于身爲之耳。

人言善而色意焉。近于不說其言。

蕙焉不悅釋之貌。

不悅其言。殆于以身近之也。

遠當字誤爲近。

殆于以身近之。殆于身之矣。〔案〕身之誤當作反之。故目者心之浮也。言者行之指也。作于中則播于外也。

心行見于言目也。

故曰以其見者占其隱者。

謂心目也。

故曰聽其言也。可以知其所好矣。觀說之流。可以知其術也。

流謂部分。術謂心術。

久而復之。可以知其信矣。觀其所愛親。可以知其人矣。臨懼之而觀其不恐也。怒之而觀其不愾也。喜之而觀其不誣也。

愾。亂也。誣。妄也。

近諸色而觀其不踰也。飲食之而觀其有常也。利之而觀其能讓也。居哀而觀其貞也。

文王曰。省其喪哀。觀其貞良也。

居約而觀其不營也。勤勞之。〔案〕勤各本訛。作動。今從方本。而觀其不擾人也。君子之于不善也。身勿爲能也。色勿爲不
可能也。

無奈形于色也。

色也勿爲可能也。心思勿爲不可能也。太上樂善。

太上德之最上者。謂其心不爲也。

其次安之。

其次德之。次者謂其色不爲也。

其下亦能自彊。

謂其身不爲。太上謂五帝。其次謂三王。其下謂五霸。孟子曰。堯舜性之。湯武身之。五霸假之。

仁者樂道。

上者率其性也。

智者利道。

次者利而爲之。

愚者從。弱者畏。不愚不弱。執誣以彊。亦可謂棄民矣。

自執而誣于善。

太上不生惡。

無爲過之意也。

其次而能夙絕之也。

有意而隨絕之。

其下復而能改也。

既爲而能改之。

復而不改。殞身覆家。大者傾覆社稷。是故君子出言以鄂鄂。

鄂鄂。辨厲也。論語曰。其言之不作。其後爲之難。〔案〕二句與今本論語有異。

行身以戰戰。亦殆勉于罪矣。是故君子爲小由爲大也。

常思正也。

居由仕也。

故曰父母爲嚴君。子孫爲臣民也。

備則未爲備也。

恒謙虛也。

而勿慮存焉。

不忘危也。

事父可以事君。事兄可以事師長。使子猶使臣也。使弟猶使承嗣也。

承嗣。謂冢子也。

能取朋友者。亦能取所予從政者矣。賜與其宮室。亦猶慶賞于國也。忿怒其臣妾。亦猶用刑罰于萬民也。是故爲善必自內始也。內人怨之。雖外人亦不能立也。

大學曰。欲治其國。先齊其家。居家治則移官亦理也。

居上位而不淫。臨事而栗者。鮮不濟矣。

淫。大。

先憂事者後樂事。先樂事者後憂事。昔者天子日旦思其四海之內。戰戰惟恐不能久。

又治也。

諸侯日旦思其四封之內。戰戰惟恐失損之。大夫士日旦思其官。戰戰惟恐不能勝。庶人日旦思其事。戰戰惟恐刑罰之至也。是故臨事而栗者。鮮不濟矣。

禍福惟人。宜其慎也。是以易有履虎之言。詩有臨淵之誠。君子之于子也。愛而勿面也。

不形于面。

使而勿貌也。

不以貌勞俸之。

導之以道而勿強也。宮中雍雍。外焉肅肅。兄弟悱悱。朋友切切。

論語曰。朋友切切悱悱。兄弟怡怡也。

遠者以貌。近者以情。友以立其所能而遠其所不能。苟無失其所守。亦可與終身矣。

曾子本孝

曾子曰。忠者其孝之本與。孝子不登高。不履危。

敬父母之遺體。故跬步未敢忘其親。

庫亦弗憑。不苟笑。不苟訾。隱不命。

人有隱僻。不許之也。

臨不指。

凡居上不爲惑衆。

故不在尤之中也。孝子惡言死焉。

死且不行。

流言止焉。美言興焉。故惡言不出于口。煩言不及于己。故孝子之事親也。居易以俟命。

處安易之道以聽命也。

不與險行以徼幸。孝子游之。暴人違之。

就其常也。春秋左傳曰其〔案〕此下有脫文。

出門而使不以或爲父母憂也。

不爲事或貽憂于父母也。

險塗隘巷。不求先焉。以愛其身。以不敢忘其親也。

身者親之枝也。可不敬乎。

孝子之使人也。不敢肆行。不敢自尊也。父死三年。不敢改父之道。

故曰。三年無改于父之道。可謂孝矣。

又能事父之朋友。又能率朋友以助敬也。

使敬其父母也。

君子之孝也。以正致諫。

謂卿大夫。

士之孝也。以德從命。庶人之孝也。以力惡食。

分地任力致甘美。

任善不敢臣三德。

謂王者之孝。三德三老也。白虎通曰。不臣三老崇孝。

故孝子于親也。〔案〕子各本訛作之。今從高安本。生則有義以輔之。

諭于道。

死則哀以莅焉。

莅臨。

祭祀則莅之以敬。如此而成于孝子也。

曾子立孝

曾子曰。君子立孝。其忠之用。禮之貴。

有忠與禮。孝道立。

故爲人子而不能孝其父者。不敢言人父不能畜其子者。爲人弟而不能承其兄者。不敢言人兄不能順其弟者。爲人臣而不能事其君者。不敢言人君不能使其臣者也。

不可以己能而責人之不能。況以所不能。

故與父言。言畜子。與子言。言孝父。與兄言。言順弟。與弟言。言承兄。與君言。言使臣。與臣言。言事君。士相見禮曰。與君言。言使臣。與大夫言。言事君。與老者言。言使弟子。與幼者言。言孝父兄。與衆言。言慈祥。與莅官者言。言忠信也。

君子之孝也。忠愛以敬。反是亂也。盡力而有禮。莊敬而安之。微諫不倦。聽從而不怠。歡欣忠信。咎故不生。可謂孝矣。盡力無禮。則小人也。

豈小人而已哉。乃犬馬之養。

致敬而不忠。則不入也。是故禮以將其力。敬以入其忠。飲食移味。

隨所欲也。

居處溫愉。著心于此。濟其志也。子曰。可入也。吾任其過。

吾知其能自取過。

不可入也。吾辭其罪。詩云：有子七人，莫慰母心。子之辭也。

衛詩凱風之末章也。七子自責任過之辭。

夙興夜寐，無忝爾所生。言不自舍也。

小雅小菀之四章也。申可以入之義也。

不恥其親，君子之孝也。是故未有君而忠，臣可知者；孝子之謂也。未有長而順，下可知者；弟弟之謂也。

孝經曰：以孝事君則忠，以敬事長則順。

未有治而能仕可知者，先修之謂也。故曰：孝子善事君，弟弟善事長，君子一孝一弟，可謂知終矣。

曾子大孝

曾子曰：孝有三，大孝尊親，其次不辱，其下能養。公明儀問于曾子曰：夫子可謂孝乎？

公明儀，曾子弟子。

曾子曰：是何言與？是何言與？君子之所謂孝者，先意承志，諭父母于道。

凡言與事親未意，則先善舉之；親若有志，則敬而奉之。

參直養者也。安能爲孝乎？身者親之遺體也。行親之遺體，敢不敬乎？故居處不莊，非孝也。事君不忠，非孝也。莅官不敬，非孝也。朋友不信，非孝也。戰陳無勇，非孝也。五者不遂，災及乎身。〔案〕平各本作其，今從劉本。舊注身一作親，乃校書。

者所加非〔案〕鮮下舊注一作
虛氏注文敢不敬乎故烹熟鮮香類亦校書者所加嘗而進之非孝也養也君子之所謂孝者國人皆
稱願焉曰幸哉有子如此所謂孝也民之本教曰孝

孝經曰夫孝德之本也教之所由生也

其行之曰養

謂致衣食省安否

養可能也敬為難敬可能也安為難

以忠禮將也

安可能也久為難久可能也卒為難父母既歿慎行其身〔案〕慎下舊注一作
也順亦校書者所加不遺父母惡名可謂能終

謂能卒也

夫仁者仁此者也義者宜此者也忠者忠此者也〔案〕忠此各本作
中此今從方本信者信此者也禮者體此也行者
行此者也彊者彊此者也樂自順此生刑自反此作夫孝者天下之大經也夫孝置之而塞于天地衡之
而衡于四海

置猶立也衡猶橫也

施諸後世而無朝夕。

言常行也。

推而放諸東海而準。推而放諸西海而準。推而放諸南海而準。推而放諸北海而準。

九夷八蠻七戎六狄。謂之四海。放猶至也。準猶平也。

詩云。自西自東。自南自北。無思不服。此之謂也。

大雅文王有聲之六章也。

孝有三。大孝不匱。

詩云。孝子不匱。永錫爾類也。

中孝用勞。

勞猶功也。

小孝用力。博施備物。可謂不匱矣。尊仁安義。可謂用勞矣。慈愛忘勞。可謂用力矣。父母愛之。喜而不忘。父

母惡之。懼而無怨。父母有過。諫而不逆。

當柔聲下氣也。

父母既歿。以哀祀之。加之。如此謂禮終矣。

哀謂服之三年。祀謂春秋享之。

樂正子春下堂而傷其足。傷瘳數月不出。猶有憂色。門弟子問曰。夫子傷足瘳矣。數月不出。猶有憂色。何也。樂正子春曰。善如爾之問也。吾聞之曾子。曾子聞諸夫子曰。天之所生地之所養。人爲大矣。父母全而生之。子全而歸之。可謂孝矣。

孝經曰。天地之性。人爲貴。人之行。莫大于孝也。

不虧其體。可謂全矣。故君子頃步之不敢忘也。

跬當聲誤爲頃。

今予忘夫孝之道矣。予是以有憂色。故君子一舉足不敢忘父母。一出言不敢忘父母。一舉足不敢忘父母。故道而不徑。

不由徑也。

舟而不游。不敢以先父母之遺體行殆也。

殆危也。

一出言不敢忘父母。是故惡言不出于口。忿言不及于己。然后不辱其身。不憂其親。則可謂孝矣。草木以時伐焉。禽獸以時殺焉。夫子曰。伐一木。殺一獸。不以其時。非孝也。

夫子孔子。

曾子事父母

單居離問于曾子曰。事父母有道乎。

單居離。曾子弟子也。

曾子曰。有愛而敬。父母之行若中道則從。若不中道則諫。諫而不用。行之如由己。

且俯從所行而思諫道也。

從而不諫。非孝也。

同父母之非。不匡諫。

諫而不從。亦非孝也。

徒以義諫而行不從。

孝子之諫。達善而不敢爭辨。爭辨者。作亂之所由興也。

內則曰。父母有過。下氣怡色。柔聲以諫。諫若不入。起敬起孝。說則復諫。

由己爲無咎則寧。

謂順諫。

由己爲賢人則亂。

謂爭辨賢與無咎互相足。

孝子無私樂。父母所憂憂之。父母所樂樂之。孝子惟巧變。故父母安之。若夫坐如尸。立如齊。弗訊不言。

齊謂祭祀時訊問也。

言必齊色。

嚴敬其色。

此成人之善者也。未得爲人子之道也。

爲人父之事。

單居離問曰。事兄有道乎。曾子曰。有。尊事之以爲己望也。

謂儀象也。

兄事之不遺其言。

奉其所令。

兄之行若中道則兄事之。兄之行若不中道則養之。

養之內不養于外。則是越之也。養之外不養于內。則是疏之也。是故君子內外養之也。單居離問曰。使弟有道乎。曾子曰。有。嘉事不失時也。

謂冠娶也。

弟之行若中道。則正以使之。

正以使之。以弟道。

弟之行若不中道。則兄事之。

且以兄禮敬之。

拙事兄之道。若不可。然後舍之矣。

屈事兄之道。然猶不變。則怒罰之。

曾子曰。夫禮大之由也。不與小之自也。

言大者得自由也。

飲食以齒。

以長幼也。

力事不讓。辱事不齒。執觴觚杯豆而不醉。和歌而不哀。

觚器也。實之曰觴。杯盤盞盆盞之總名也。豆醬器。以木曰豆。以瓦曰登。夫弟者不衡坐。不苟越。不干逆色。趨翔周旋。俛仰從命。不見于顏色。未成于弟也。

大戴禮記卷五

曾子制言上第五十四

曾子制言中第五十五

曾子制言下第五十六

曾子疾病第五十七

曾子天圓第五十八

曾子制言上

曾子曰。夫行也者。行禮之謂也。夫禮。貴者敬焉。老者孝焉。幼者慈焉。少者友焉。賤者惠焉。此禮也。行之則行也。立之則義也。今之所謂行者。犯其上。危其下。衡道而彊立之。

衡。橫也。

天下無道故若。

且自如也。

天下有道。則有司之所求也。

言爲法吏所收誅也。

故君子不貴興道之士而貴有恥之士也。若由富貴興道者與貧賤。吾恐其或失也。

或猶惑也。

若由貧賤興道者與富貴。吾恐其羸驕也。夫有恥之士富而不以道則恥之。貧而不以道則恥之。弟子無曰不我知也。鄙夫鄙婦相會于廡陰。可謂密矣。明日則或揚其言矣。

中庸曰。莫見乎隱。莫顯乎微。故君子慎其獨也。

故士執仁與義而明行之。未篤故也。胡爲其莫之聞也。殺六畜不當及親。吾信之矣。

凡殺有時禮也。

使民不時失國。吾信之矣。蓬生麻中。不扶自直。白沙在泥。與之皆黑。

古語云。言扶化之者衆。

是故人之相與也。譬如舟車然。相濟達也。己先則援之。彼先則推之。是故人非人不濟。馬非馬不走。土非土不高。水非水不流。君子之爲弟也。行則爲人負。

分重合輕。斑白不任。弟達于道路也。

無席則寢其趾。

寢猶止也。言裁自容也。

使之爲夫人則否。

夫人行無禮也。

近市無賈。

無廛邸也。

在田無野。

田無廬也。

行無據依。

〔案〕依各本說作旅。今從劉本。

守直道無所私。

苟若此。則夫杖可因篤焉。

言行如此。則其所杖者皆可因厚焉。

富以苟。不如貧以譽。

貧則常也。義不可無。

生以辱。不如死以榮。

見危致命。死之榮也。

辱可避。避之而已矣。及其不可避也。君子視死若歸。

不苟免也。

父母之讎。不與同生。

生辱之不可避也。曲禮曰。父之讎。弗與其戴天。

兄弟之讎。不與聚國。

檀弓曰。昆弟之讎。仕不與共國。其從父兄弟。則不爲魁也。

朋友之讎。不與聚鄉。

曲禮曰。朋友之讎。不同國。失厚矣。

族人之讎。不與聚鄰。

族人者。謂絕屬者。

良賈深藏如虛。君子有盛教如無。

言珍寶深藏若虛。君子懷德若愚也。

弟子問于曾子曰。夫士何如則可以爲達矣。曾子曰。不能則學。疑則問。欲行則比賢。雖有險道。循行達矣。

今之弟子。病下人不知事賢。恥不知而又不問。

好責于人而不知自反也。

欲作則其知不足。是以惑闇。惑闇終其世而已矣。是謂窮民也。曾子門弟子或將之晉。曰。吾無知焉。曾子曰。何必然往矣。有知焉謂之友。

曰友之也。

無知焉謂之主。

且客之而已。

且夫君子執仁立志。先行後言。千里之外。皆爲兄弟。

故曰。君子何患乎無兄弟。

苟是之不爲。則雖汝親庸孰能親汝乎。

庸用也。孰誰也。

曾子制言中

曾子曰。君子進則能達。退則能靜。豈貴其能達哉。貴其有功也。豈貴其能靜哉。貴其能守也。夫惟進之何功。退之何守。

問君子進退其功守如何。

是故君子進退有二觀焉。

言有二等可觀。

故君子進則能益上之譽而損下之憂。

謂其功也。

不得志不安貴位。不懷厚祿。(案)懷各本訛作博。今從永樂大典本。負耜而行道。凍餓而守仁。

謂其守也。(案)此四字各本訛作正文。今訂正。

則君子之義也。其功守之義。有知之則願也。莫之知。苟吾自知也。吾不仁其人。雖獨也。吾弗親也。

人而不仁。不足友也。故周公曰。不如我者。吾不與處。損我者也。與我等。吾不與處。無益我者也。吾所與

處者。必賢于我。

故君子不假貴而取寵。

不因人之貴。苟求寵愛也。

不比譽而取食。

不校名譽以求祿也。

直行而取禮。

行正則見禮也。

比說而取友。

〔案〕取下舊注一作交。乃校書者語非盧氏注文。

言修己以事人。

有說我則願也。莫我說。苟吾自說也。

說讀爲悅字。

故君子無悒悒于貧。無忽忽于賤。

〔案〕忽忽各本訛作勿勿。據立事篇。君子終身守此。勿勿注云。勿勿猶勉勉。今從方本。

無憚憚于不聞。

憚憚憂惶也。

布衣不完。疏食不飽。蓬戶穴牖。日孜孜上仁。

〔案〕孜孜下舊注一作孳孳。乃校書者語非盧氏注文。

知我。吾無訢訢。不知我。吾無悒

悒。是以君子直言直行。不宛言而取富。不屈行而取位。仁之見逐。

〔案〕仁各本訛作畏。今從方本。

智之見殺。固不難。拙身

而爲不仁。宛言而爲不智。則君子弗爲也。

小人在朝。多逐害于仁。智者君子不仁之枉言行而懷其祿也。

君子雖言不受。必忠曰道。雖行不受。必忠曰仁。

謂發施言行于君之前。實善而君不納。然猶忠誠勉行。可謂仁道也。

雖諫不受。必忠曰智。

猶忠誠而詳之。

天下無道。循道而行。衡塗而債。

衡。橫也。債。僵也。

手足不揜。四支不被。

手足即四支。說者申懃懃耳。詩云。行有死人。尙或瑾之。〔案〕此二十一字。各本說作正文。今訂正。

此則非士之罪也。〔案〕此則各本說作則。有土者之差也。〔案〕土。各本說作土。今從方本。是故君子以仁爲尊。天下之爲

富。何爲富。則仁爲富也。天下之爲貴。何爲貴。則仁爲貴也。〔案〕是故下。舊注一作君子天下之爲仁。則以仁爲尊也。天下之爲富。則以仁爲富也。天下之

字。乃校書者語。非盧氏注文。〔案〕仁。各本說作以。是故君子將說富貴必勉于仁也。昔者伯夷叔齊死于溝澮之間。其仁成名于

之也。〔案〕仁。各本說作以。是故君子將說富貴必勉于仁也。昔者伯夷叔齊死于溝澮之間。其仁成名于

天下。夫二子者居河濟之間。非有土地之厚。貨粟之富也。

伯夷叔齊。孤竹君之子。初因父命。交讓其國。遂退北海之濱。而終死于首陽。

言爲文章。行爲表綴于天下。是故君子思仁義。晝則忘食。夜則忘寐。日旦就業。夕而自省。以歿其身。〔案〕

本說作役。亦可謂守業矣。〔案〕

曾子制言下

曾子曰：天下有道，則君子訢然以交；天下無道，則衡言不革。

衡，平也。言不苟合也。

諸侯不聽，則不干其土；聽而不賢，則不踐其朝。是以君子不犯禁而入人境。〔案〕人，各本訛作入。今從方本。

及郊，問禁，請命。〔案〕此六字各本訛作正文。今訂正。

不避患而出危邑。〔案〕各本避訛作通。邑，訛作色。今從方本。

師敗，不苟免也。

則秉德之士不調矣。故君子不調富貴以爲己說，不乘貧賤以居己尊。凡行不義，則吾不事；不仁，則吾不

長。奉相仁義，則吾與之聚羣。

相助也。

嚮爾寇盜，則吾不與慮。〔案〕各本脫不字。今從方本。國有道，則鳩若入焉。〔案〕鳩，疾飛貌。各本訛作突。今從方本。

詩云：鳩彼晨風，鬱彼北林也。

國無道，則鳩若出焉。

如大鳥奮翼而去也。

如此之謂義。夫有世義者哉。

義宜也。

仁者殆。恭者不入。

殆。危也。仁者危之。恭者又不受也。

慎者不見使。正直者則邇于刑。弗違則殆于罪。

邇。近。遠去。

是故君子錯在高山之上。深澤之汙。聚橡栗藜藿而食之。

藜藿。藿豆。

生耕稼以老十室之邑。是故昔者禹見耕者五耦而式。過十室之邑則下。爲秉德之士存焉。

不悔之也。

曾子疾病

曾子疾病

疾困曰病。

曾元抑首。曾華抱足。

元華其子。

曾子曰：「微乎！吾無夫顏氏之言，吾何以語汝哉！然而君子之務，蓋有之矣。」〔案〕蓋各本訛作盡，今從永樂大典本。夫華繁而實寡者，天也。言多而行寡者，人也。鷹鶴以山爲卑而增巢其上，魚鼈鼃鼉以淵爲淺而蹶穴其中，卒其所以得之者，餌也。

生生之厚，動之死地也。

是故君子苟無以利害義則辱，何由至哉！親戚不悅，不敢外交；近者不親，不敢求遠；小者不審，不敢言大；故人之生也，百歲之中有疾病焉，有老幼焉，故君子思其不可復者而先施焉。〔案〕各本脫可字，今從永樂大典本。親戚既歿，雖欲孝，誰爲孝？年既耆艾，雖欲弟，誰爲弟？故孝有不及，弟有不時，其此之謂與！言不遠身言之主也，行不遠身行之本也，言有主行有本，謂之有聞矣。

知身是言行之基，可謂聞矣。

〔案〕此十一字，劉本作注文，他本皆誤入正文。

君子尊其所聞則高明矣，行其所聞則廣大矣，高明廣大不在於他，在加之志而已矣。與君子遊，苾乎如入蘭芷之室，久而不聞，則與之化矣；與小人遊，膩乎如入鮑魚之次。〔案〕膩各本訛作貸，今從永樂大典本。久而不聞，則與之化矣。

離騷曰：「經鮑魚之肆而失香也。」

是故君子慎其所去就。與君子遊。如長日加益而不自知也。

如身之長。雖日加益而不自知也。

與小人遊。如履薄冰。每履而下。幾何而不陷乎哉。吾不見好學。盛而不衰者矣。吾不見好教。如食疾子者矣。〔案〕各本脫者字。今從永樂大典本。

言未見好教。欲人之受。如舖疾子也。

吾不見日省而月攷之。其友者矣。吾不見孜孜而與來而改者矣。

謂擇善而改非也。

曾子天圓

單居離問于曾子曰。天圓而地方者。誠有之乎。曾子曰。離而聞之云乎。

而猶汝也。汝聞則言之也。

單居離曰。弟子不察。以此敢問也。〔案〕以此各本作此。今從永樂大典本。曾子曰。天之所生上首。地之所生下首。

人首圓足方。繫之天地。

上首之謂圓。下首之謂方。

因謂天地爲方圓也。周髀曰。方屬地。圓屬天。天圓地方也。淮南子曰。天之圓不中規。地之方不中矩。白

虎通曰。天鎮也。其道曰圓。地諦也。其道曰方。一曰圓謂水也。

如誠天圓而地方。則是四角之不揜也。且來。吾語汝。參嘗聞之。夫子曰。天道曰圓。地道曰方。道曰方圓耳。非形也。

方曰幽而圓曰明。

方者陰義。而圓者陽理。故以明天地也。

明者吐氣者也。是故外景。

景古通以爲影字。外景者。陽道吐施也。

幽者含氣者也。是故內景。

內景者。陰道含藏也。

故火日外景。

火氣陽也。

而金水內景。

金質陰也。

吐氣者施而含氣者化。

施賦也。化體生。

是以陽施而陰化也。陽之精氣曰神。陰之精氣曰靈。神靈者。品物之本也。

神爲魂。靈爲魄。魂魄者。陰陽之精。有生之本也。及其死也。魂氣上升于天爲神。體魄下降于地爲鬼。各反其所自出也。

而禮樂。仁義之祖也。

樂由陽來。禮由陰作。仁近樂。義近禮。故陰陽爲祖也。

而善否治亂所興作也。陰陽之氣。各從其所。〔案〕從各本訛作盡今從高安本。則靜矣。偏則風。

謂氣勝負。

俱則雷。交則電。

自仲春至仲秋。陰陽交泰。故雷電也。

亂則霧。和則雨。

偏則風。而和則雨。此謂一時之氣也。至若春多雨。則時所宜也。

陽氣勝則散爲雨露。陰氣勝則凝爲霜雪。陽之專氣爲霰。陰之專氣爲霰。霰。霰者。一氣之化也。

陽氣在雨。溫煖如湯。陰氣薄之不相入。轉而爲霰。陰氣在雨。凝滯爲雪。陽氣薄之不相入。散而爲霰。故

春秋穀梁說曰。電者陰脅陽之象。霰者陽脅陰之符也。

毛蟲毛而後生。羽蟲羽而後生。毛羽之蟲。陽氣之所生也。介蟲介而後生。鱗蟲鱗而後生。介鱗之蟲。陰氣之所生也。

言陰陽所生者。舉其多也。

惟人爲倮匈而後生也。

倮匈謂無毛羽與鱗介也。

陰陽之精也。

人受陰陽純粹之精。有生之貴也。凡倮蟲則亦竝陰陽氣所生也。

毛蟲之精者曰麟。羽蟲之精者曰鳳。介蟲之精者曰龜。鱗蟲之精者曰龍。倮蟲之精者曰聖人。

龜龍麟鳳。所謂四靈。

龍非風不舉。龜非火不兆。鳳非梧不棲。麟非藪不止。〔案〕各本脫此十字。今從永樂大典本。此皆陰陽之際也。

龜龍爲陰。風火爲陽。陰陽會也。

茲四者。所以聖人役之也。〔案〕各本訛作役聖人之精也。今從方本。

謂爲之瑞。

是故聖人爲天地主。爲山川主。爲鬼神主。爲宗廟主。

鬼神百神也。因外祀。故在宗廟之上也。

聖人慎守日月之數。以察星辰之行。以序四時之順逆。謂之麻。

審十二月分數于昏旦定辰宿之中。見與伏以驗時節之僣否。

截十二管以察八音之上下清濁。〔案〕察各本訛作宗。今從永樂大典本。謂之律。

八音八卦之音。以律定八風之高下清濁。而準配金石絲竹也。

律居陰而治陽。

因地主氣。

麻居陽而治陰。

因天主事。

律麻迭相治也。

麻以治時。律以候氣。

其間不容髮。

其致一也。

聖人立五禮以爲民望。

五禮其別三十六。生民之紀在焉。

制五衰以別親疏。和五聲之樂以導民氣。

致樂以治心也。

合五味之調以察民情。

察猶別也。

正五色之位。成五穀之名。

五穀。黍稷麻麥菽也。

序五牲之先後貴賤。

五牲。牛羊豕犬雞。先後。謂四時所尙也。

諸侯之祭。牲牛曰太牢。

天子之大夫亦太牢。太牢。天子之牲。角握。諸侯角尺。大夫索牛也。

大夫之祭。牲羊曰少牢。

天子之士亦少牢也。

士之祭牲特豕曰饋食。

不言特牲其文已著又與大夫互相足也。

無祿者稷饋。

庶人無常牲故以稷爲主。

稷饋者無尸無尸者厭也宗廟曰芻豢。

牛羊曰芻犬豕爲豢。

山川曰犧牲。

色純曰犧體完曰牲宗廟言豢山川言牲互文也山川謂岳瀆以方色角尺其餘用麗索也。

割列禳瘞。

割割牲也列彌辜也禳面禳也瘞埋也。

是有五牲此之謂品物之本禮樂之祖善否治亂之所由興作也。

大戴禮記卷六

武王踐阼第五十九

衛將軍文子第六十

武王踐阼

武王踐阼三日

既王之後

召士大夫而問焉曰。惡有藏之約行之。行萬世可以為子孫。恒者乎。〔案〕恒各本因避諱作常。今從儀禮經傳通解本。又王應麟注本。

惡。猶于何也。言于何有約言而行之。乃行萬世而猶得其福。

諸大夫對曰。未得聞也。然後召師尙父而問焉。曰。昔帝顓頊之道存乎。〔案〕昔各本作黃。鄭注學記云。昔惟云帝顓頊之道。無黃字。或鄭見古本不與今同。或後人足黃字耳。意亦忽不可得見與。

言忽然不可得見。

師尙父曰。在丹書。王欲聞之。則齊矣。王齊三日。

〔案〕各本脫王齊二字。學記注引此文作王端冕奉書而入。疏云。師尙父亦端冕。攷大戴禮無此文。鄭所加也。負屏而立。

入。〔案〕各本作王端冕。師尙父亦端冕。學記注無王字。負屏而立。

端正也。樹謂之屏。

王下堂南面而立。師尚父曰：先王之道不北面。王行折而東面。〔案〕各本作王行西折而南。東面而立。學

方本與疏所言者合。師尚父西面道書之言曰：敬勝怠者強，怠勝敬者亡。〔案〕各本強作吉，亡作滅。禮學記疏云：大戴禮敬勝怠者強，怠勝敬者亡。瑞書云：敬勝

怠者吉，怠勝敬者滅。然則各本乃改同瑞書，非也。義勝欲者從，欲勝義者凶。凡事不強則枉。

凡事不能自強而執于此則枉也。

不敬則不正。〔案〕不敬各本不作弗，今從禮記疏。枉者滅廢。敬者萬世藏之。約行之行可以為子孫恒者，此言之謂也。

問先帝之道，庶聞要約之旨，故對此而已。

且臣聞之，以仁得之，以仁守之，其量百世；以仁得之，以不仁守之，其量十世。〔案〕各本作以不仁得之，以仁守之，今從禮記疏。

以仁得之，以仁守之，以仁得之，以不仁守之。〔案〕各本亦作以不仁得之，以仁守之，今從禮記疏。皆謂創基之君，十百世謂子孫。

無咎譽者，于十百之外，天命則有興改，其廢立大節依于此。

以不仁得之，以不仁守之，必及其世。〔案〕及禮記疏作傾。

謂止于其身也。

王聞書之言，惕若恐懼。〔案〕禮記疏作惕然若懼。退而為戒書。

託于物以自警，戒不忘也。

于席之四端爲銘焉。于机爲銘焉。〔案〕机各本訛作機。今從高安本方本。于鑑爲銘焉。于盥槃爲銘焉。于楹爲銘焉。于杖爲銘焉。于帶爲銘焉。于履屨爲銘焉。于觴豆爲銘焉。于牖爲銘焉。于劍爲銘焉。于弓爲銘焉。于矛爲銘焉。席前左端之銘曰安樂必敬。

安不忘危。

前右端之銘曰無行可悔。

當恭敬朝夕。故以懷安爲戒也。

後左端之銘曰一反一側亦不可以忘。

言雖反側之間不可以忘道也。

後右端之銘曰所盥不遠視邇所代。

周盥不遠近在有殷之世。

机之銘曰皇皇惟敬口生垢。

垢恥也。言爲君子榮辱之主可不慎乎。

口戕口。

言口能害口也。机者人君出令所依。故以言語爲戒也。

鑑之銘曰。見爾前。慮爾後。盥槃之銘曰。與其溺于人也。寧溺于淵。溺于淵。猶可游也。溺于人。不可救也。

日知所無。學者之功。溺于民庶。大人之禍。故或以自新取戒。或以游溺爲鑑也。

盥之銘曰。毋曰胡殘。其禍將然。毋曰胡害。其禍將大。毋曰胡傷。其禍將長。

夫爲室者。慎其楹。君天下者。難其相也。

杖之銘曰。惡乎危。于忿。惡。

惡于何也。忿者危之道。怒甲及乙。又危之甚。杖扶危。故以危戒也。

惡乎失道。于嗜慾。

杖依道而行之。

惡乎相忘。于富貴。

言身杖相資也。因失道相忘。乃嗜慾安樂之戒也。

帶之銘曰。火滅修容。慎戒必恭。恭則壽。

雖夜解息。其容不可以苟。帶于寢先釋。故因言之也。

履履之銘曰。慎之勞。勞則富。

行慎躬勞。躬勞終福。諭慎履亦財不費也。履在下。尤勞辱。因爲此戒。福與富。音義兩施。互取焉。

觴豆之銘曰。食自杖。食自杖。戒之僬。僬則逃。

無求醉飽。自杖而已。

戶之銘曰。夫名難得而易失。無懃弗志。而曰我知之乎。無懃弗及。而曰我杖之乎。

志。識也。杖立不能懲其驚怠。而自謂杖成功無可就。故終失其名也。

擾阻以泥之。若風將至。必先搖搖。

搖搖無所託言。有風則先困。

雖有聖人。不能爲謀也。

諭人行亦然。

牖之銘曰。隨天之時。〔案〕各本脫之字。今從儀禮經傳通解本及方本。

隨任也。

以地之財。

質也。

敬祀皇天。敬以先時。

先祭時而敬齋。

劍之銘曰。帶之以爲服。動必行德。行德則興。倍德則崩。以順誅也。

弓之銘曰。屈伸之義。廢興之行。無忘自過。

言得時也。

矛之銘曰。造矛造矛。少間弗忍。終身之差。

重言造矛。見造矛之不易也。言少間之不忍。則爲終身差。以君子于殺之中。體恕存焉。予一人所聞。以戒後世子孫。

貽厥孫謀。以燕翼子。武王之詩也。

衛將軍文子

衛將軍文子。

文子。衛卿也。名彌牟。

問于子貢曰。

子貢。端木賜也。衛人。衛之相也。

吾聞夫子之施教也。先以詩。

論語曰。先進于禮樂。野人也。後進于禮樂。君子也。〔案〕此所引與正文絕不比附。

世道者孝悌。〔案〕此句有舛誤。說之以義而觀諸體。成之以文德。蓋受教者七十有餘人。

言能受教者。謂七十二子也。

聞之孰爲賢也。子貢對辭以不知。文子曰。吾子學焉。何謂不知也。子貢對曰。賢人無妄。知賢則難。故君子曰。智莫難于知人。此以難也。

書曰。知人則哲。惟帝其難之。

文子曰。若夫知賢人莫不難。吾子親游焉。是以敢問也。〔案〕各本脫以字。今從方本。子貢對曰。夫子之門人。蓋三就焉。

謂大成次成小成也。

賜有逮及焉。有未及焉。不得辯知也。

未及者。謂先就夫子而或止或退。未得及己見也。或以子貢違夫子之後有新來者也。

文子曰。吾子之所及。請問其行也。子貢對曰。夙興夜寐。諷詩崇禮。〔案〕詩程本朱本作誦。行不貳過。稱言不苟。是顏

淵之行也。

顏回。魯人。字子淵也。

孔子說之以詩。詩云。媚茲一人。應侯順德。永言孝思。孝思惟則。

大雅下武之四章也。媚茲一人，謂御于天子而蒙寵愛。應侯順德，逢國君能成其德。孝思惟則，此文在前章，兼以說之，故連言之也。

故國一逢有德之君，世受顯命，不失厥名，以御于天子以申之。

于諸侯受爵命，未盡其能。

在貧如客。

言安貧也。

使其臣如藉。

藉借也，如借力然也。

不遷怒，不探怨，不錄舊罪，是冉雍之行也。

冉雍，魯人也，字仲弓。

孔子曰：有土君子，有衆使也，有刑用也，然後怒匹夫之怒，惟以亡其身。

使舉也，夫子因其性不好怒，故說妄怒之敗也。書曰：惟辟作威也。

詩云：靡不有初，鮮克有終，以告之。

大雅蕩首章也，言冉雍能終其行也。

不畏彊禦。不侮於寡。其言曰性。

其言惟陳其性。不苟虛妄。

都其富哉。

仲由優于政事。故能備治其都也。

任其戎。是仲由之行也。

仲由。衛人也。字子路。一字季路。大夫也。

夫子未知以文也。

節其勇也。

詩云。受小共大共。爲下國恂蒙。何天之寵。傅奏其勇。

殷頌長發之五章也。頌湯伐桀除災之事。恂。信也。言下國信蒙其富。詩爲駿龐。或古有二文。或以義賦。

寵。傅又爲龍敷。

夫強乎武哉。文不勝其質。恭老恤孤。不忘賓旅。好學省物而不慙。是冉求之行也。

物猶事也。事省則不慙也。冉求字子有。冉雍之族。季氏宰。

孔子因而語之曰。好學則智。恤孤則惠。恭老則近禮。克篤恭以天下。其稱之也。宜爲國老。

言爲國之尊也。言任爲卿相也。

志通而好禮。擯相兩君之事。篤雅其有禮節也。是公西赤之行也。

公西赤。魯人也。字子華。

孔子曰。禮儀三百。可勉強也。

禮經三百。可勉強而能知。

威儀三千則難也。

能躬行三千之威儀則難。而公西赤能躬行也。

公西赤問曰。何謂也。孔子曰。貌以擯禮。禮以擯辭。是之謂也。

禮待貌而行。辭得禮而發。言貌所以擯贊三千之儀也。

主人。

言行此主在于人。

聞之以成。

公西赤聞之以成。家語云。衆人聞之爲成主。或聲誤也。

孔子之語人也。曰。當賓客之事則通矣。謂門人曰。二三子欲學賓客之禮者。于赤也滿而不滿。實如虛。過

之如不及先生難之。

云先生猶有難之亦所謂先子之所畏也。

不學其貌竟其德敦其言于人也無所不信其橋大人也。

橋高也高大之人也。

常以皓皓是以眉壽。

皓皓虛曠無長生久視之意是長生久視之術。

是曾參之行也。

曾參魯之南武城人也字子輿齊聘以相楚迎以令尹晉迎以上卿皆不應其命也。

孔子曰孝德之始也。

天道曰至德地道曰敏德人道曰孝德四代曰有天德有地德夫學天地之德者皆以無私爲能也動

而樂施者天德也安而待化者地德也故天之德有廣狹矣自餘禮義忠信以下皆爲人德因事則爲

禮厚其行則爲孝也。

弟德之序也信德之厚也忠德之正也參也中夫四德者矣哉以此稱之也業功不伐貴位不善不侮可

侮不佚可佚。

不侮可侮者。不佚可佚者。仁之至也。

不敖無告。

天窮之民無所告者。不陵敖之也。

是顓孫之行也。

顓孫師。陳人也。子張字也。

孔子言之曰。其不伐則猶可能也。其不弊百姓者則仁也。詩云。愷悌君子。民之父母。

大雅。洞酌之首章也。

夫子以其仁爲大也。學以深。

能深致隱蹟也。

厲以斷。

性嚴厲而能斷決。七十子篇說子夏云。爲人性不宏。好精微。時人無以尙也。

送迎必敬。上友下交。銀乎如斷。〔案〕乎。各本訛作手。今從方本。是卜商之行也。

卜商。衛人。字子夏。爲魏文侯師。銀。廉鍔也。如斷。言便能。子張曰。子夏之門人。洒掃應對進退出入可也。

孔子曰。詩云。式夷式已。無小人殆。

小雅節之四章。殆近也。

而商也。其可謂不險也。

言其鄰于德也。

貴之不善。賤之不怒。苟于民利矣。

惟在利民。春秋左傳曰。上思利民。忠也。

廉于其事上也。以佐其下。

佐助也。

是澹臺滅明之行也。

澹臺滅明。魯之東武城人也。字子羽。爲魯大夫。

孔子曰。獨貴獨富。君子恥之。夫也中之矣。先成其慮。及事而用之。是故不妄。〔案〕各本訛作忘。今從方本。是言偃之行也。

也。

言偃。魯人也。字子游。爲武城宰。

孔子曰。欲能則學。欲知則問。欲行則訊。〔案〕行。各本訛作善。今從永樂大典本。欲給則豫。當是如偃也得之矣。獨居思仁。公

言言義。其聞詩也。〔案〕開下各本衍之字。周禮司儀注。引此文。作其聞詩也。今據以訂正。一日三復白圭之玷。是南宮縚之行也。

南宮縉魯人也。字子容。

夫子信其仁。以爲異姓。

謂以兄之子妻之也。周禮司儀職曰。時揖異姓。士揖庶姓。家語曰。以爲異士。言殊異之士。似妄也。自見孔子入戶。未嘗越屨。

凡在于室。卑者之屨。皆陳于戶外。故雖後至而不越焉。往來過人不履影。

不越人之屨。不履人之影。謙慎之至也。

開蟄不殺。方長不折。執親之喪。未嘗見齒。是高柴之行也。

高柴。齊人也。字子羔。爲郈宰。

孔子曰。高柴執親之喪。則難能也。開蟄不殺。則天道也。方長不折。則恕也。恕則仁也。湯恭以恕。是以日躋也。

北事于葛。恭也。教網者。祝恕也。詩殷頌曰。聖敬日躋。

此賜之所親覩也。吾子有命而訊。賜則不足以知賢。文子曰。吾聞之也。國有道則賢人興焉。中人用焉。百姓歸焉。若吾子之語。審茂則一。諸侯之相也。亦未逢明君也。

茂盛也。一皆也。

子貢既與衛將軍文子言。適魯。見孔子曰。衛將軍問二三子之行于賜也。不一而三。賜也辭不獲命。以所見者對矣。

見其行也。

未知中否。請嘗以告。

請嘗以所對者告也。

孔子曰。言之。子貢以其質告。孔子既聞之。笑曰。賜。汝偉爲知人賜。

質由實也。偉爲知人。言大爲知人也。再言賜者。善之。

子貢對曰。賜也焉能知人。此賜之所親覩也。孔子曰。是女所親也。吾語女。耳之所未聞。目之所未見。思之所未至。智之所未及者乎。

言未至未及者。謂其德廣厚也。

子貢曰。賜得則願聞之也。孔子曰。不克不忌。不念舊惡。蓋伯夷叔齊之行也。

克。好勝人忌。有惡于人也。論語曰。伯夷叔齊。不念舊惡。怨是用希也。

晉平公問于祁奚曰。羊舌大夫。晉國之良大夫也。其行何如。

平公悼公之子。晉侯彪也。祁後，祁午之父也。羊舌肸，羊舌職之子。

祁後對辭曰：不知也。公曰：吾聞女少長乎其所，女其闡知之。

言居處之同者，桓爲相也。

祁後對曰：其幼也，恭而遜，恥而不使其過宿也。其爲候大夫也，悉善而謙其端也。其爲公車尉也，信而好直其功也。

公車尉，公行也。詩曰：殊異乎公行也。

至于其爲和容也，溫良而好禮，博聞而時出其志也。

和容，主賓客也。

公曰：嚮者問女，女何曰弗知也？祁後對曰：每位改變，未知所止，是以不知。蓋羊舌大夫之行也，畏天而敬人，服義而行信，孝乎父而恭于兄，好從善而毀往，蓋趙文子之行也。

晉大夫趙武也。

其事君也，不敢愛其死。

不苟免于難也。

然亦不忘其身。

不死于不義也。

謀其身不遺其友。君陳則進。不陳則行而退。

陳謂陳其德教。

蓋隨武子之行也。

晉大夫也。世掌刑官。後受隨范。會名也。季字也。武諡也。

其爲人之淵泉也。多聞而難誕也。不內辭足以沒世。國家有道。其言足以生。國家無道。其默足以容。蓋桐提伯華之行也。

晉大夫羊舌赤也。邑于桐提。

外寬而內直。自設于隱栝之中。

能以禮自鞏直也。孔子曰。隱栝之旁多曲木也。

直己而不直人。以善存亡汲汲。蓋蘧伯玉之行也。

衛大夫蘧瑗也。

孝老慈幼。〔案〕老各本訛作子。今從方本。允德稟義。約貨去怨。蓋柳下惠之行也。

魯士師展禽也。食采于柳下。惠諡也。

其言曰。君雖不量于臣。臣不可以不量于君。是故君擇臣而使之。臣擇君而事之。有道順君。無道橫命。晏平仲之行也。

齊大夫晏嬰也。

德恭而行信。終日言不在尤之內。

在尤之外。〔案〕此四字各本訛作正文。今從方本。

貧而樂也。蓋老萊子之行也。

楚人隱者也。

易行以俟天命。居下位而不援其上。觀于四方也。不忘其親。苟思其親。不盡其樂。以不能學爲己終身之憂。蓋介山子推之行也。

晉大夫介之推也。離騷曰。封介山而爲之禁兮。報大德之優游。